

La chirurgië mili

TAIRE, TRESVTile A TOVTS

Chirurgiens: principalemēt à ceuls qui vœulēt
suiuir ung cāp, en tēps de guerre. Pareillemēt à
touts aultres, en cōditiō Pestilēte, ou dysente-
rique. Cōposée par maistre Nicolas Goddin,
docteur en medicine, en la ville d'Arras.

Trāslatée de Latin en François, par maistre la-
ques Blondel, chirurgien à Lille.



Imprimé à Gand, par Iosse Lambert taylleur
de lettres. L'an Mille D. Liiij.

CVM PRIVILEGIO CÆSAREO.



J A tresnoble & puissant seigneur/ m^{rs} sei-
gneur Adriaⁿ de Croy / Côte du R^{ou}lx/
gouverneur des païs de Flandre &
d'Artois/ Salut perpetuel.

Ces iours passés/mon seigneur/apres a-
voir faict la diligēce d'instituēr plusieurs
chirurgiens/ en L'anatomie du corps hu-
maī/ & aultre theorique chirurgicale: Sē-
blablemēt apres avoir assistē & servi plu-
sieurs princes & seigneurs/ aux camps de
L'imperiale maiestē / & en iceulx avoir e-
xercē l'art de medicine & de chirurgie: se-
lō nostre possibilité/ auons cōposé un pe-
tit liure/intitulē en Latin/ Method⁹ curā
di vulnera bombardica, contenant aussy
la curatiō methodique de la cōtagieuse
maladie de peste/ & dissenterie ou corence:
lesquelles communement aduiennent en
ung camp militaire: & ce pour l'utilité pu-
blique / principalement pour la gendar-
merie quy tient camp/ laquelle a cōtinu-
elemēt affaire de secours & ayde/ touchāt
les dittes maladies. Car bien souvent les

poures patients / estans en vng cāp ma-
lades / sont destitués de assistance / & meu-
rent miserablemēt / par faulte d'estre sol-
licités / & pensés comme il appartient.
Parquoy suiuiās la tresērcellēte doctrine
de nostre redempteur & seruateur Jesu-
christ / par charité fraternelle auōs prins
le labeur / de mettre en public ce petit vo-
lume. Lequel combien qu'il ait esté com-
posé en la grace des princes / cheualiers /
& gendarmeriē campestre : ce neātmoins
n'est de moindre utilité pour tous chirur-
giēs / quy desirēt par vraie raison & metho-
de / guarir lesdittes maladiēs. Pareille-
mēt à un chascū / lors que regnēt les dīt-
tes maladiēs contagiēuses. Et à cause /
mō seigneur / que la pluspart des chirur-
giēs n'est instituéee en la lāgue Latine / a-
uons biē voulu le faire trāslater & impri-
mer en lāgue vulgaire. Et au vray cōside-
rer / si la chirurgiē (laquelle est la pl^e an-
ciēne partiē de la médecine) a esté en ho-
neur par les rois / ducs & pñces Grecs / en
la bataille de Troiē / cōme recite Homēre

en ses Iliades : au temps present on la
doibt auoir en pl⁹ grãd^e estimatiõ & reue
rence. Car depuis que le mōde est creé/la
guerren'á esté si cruelle qu'ell^e est pour le
present. Au cōmencemēt pour tout instru
mēt de guerre/il souffiçoit le poig/la mā
dibule d'ũ asne/ ou la fonde de Dauid : de
puis on á usé de la massuē d'Hercules : a
pres on á inuenté les arcs/ arbalestres/ &
dars : puis apres le spée & la lance. Et en
ces derniers tēps par la suggestiõ de quel
que esperit maling/á esté inuētée l'artille
rie & traicts à pouldre/laquelle iourneles
ment maine à la mort des gēs innumera
bles/& de tant pl⁹ que quelcū est de noble
courage/ vaillāt & cheualereux/ d'aultāt
est il en pl⁹ grãd dāger. Et de cest affaire
mō seigneur/ en auez biē sceu la verité : en
exposant souuēt vostre person^e à tel dā
ger/faisant tressfidel seruice des le tēps de
vostre ieunesse à l'emperē Charles/v. de
ce nom / pour la tuitiõ de ses subiects &
païs . Lequel á esté touisio's le vray prote
cteur de la republique chriștiēne/ & quy á

virilemēt/ & à son grād hone^r/ repoulse les
Turcs/ hors de la christiētē/ & autres ses
ēnemis de ses païs & frōtieres. Lequel en
faicts victoriēus à surmōté Jule Cesar/ &
Scipiō l'Affricā : en prudēce & utilitē pu
blique Cesar auguste & Traiā / & cōmē un
vray Hercules Germanic/ à destruiet les
serpēts venineux: quy estoient infectés du
poison d'heresie. Duquel mō seigneur a-
uēz diligēment ensuiuy les v̄eus: parquoy
à l'ayde du createur toutpuissāt en aurez
tousiours honneur en ce mōde/ & en l'autre
gloire eternēle. Laquelle vo^r dōnera par
sa grace/ l'auteur de tout bien/ nostre re-
dēpteur & fruateur Jesuchrist/ auquel soit
louēge/ gloire & honneur à iamais Amē.

JIAQVES BLONDEL CHIRVRGIEN, AV
LECTEUR SALVT.

Cicero au p̄mier liure de ses offices, no^r
demonstre & enseigne, q̄ ne debuons
rāt seullemeēt p̄tendre à nostre proufit par-
ticulier, mais q̄ sommes grādemēt t en^r &
obligés, d'auoir regard à la commoditē &
prouffit de nos parés amis : & en general

de la republiq̃. Ce cōsiderāt, il m'a samblé
estre biē decēt & cōuenable, de traduire ce
present liure de Latin en Frāçois, à raison
qu'il pœult apporter grād biē, nō poit seul-
lement aux chirurgiēs (desquelz sont plu-
sieurs ignorās la lāgue Latine) mais parei-
llemēt aux patiēs, à cause que leur remède
sera pl⁹ esclarci & manifesté. Toutefois aul-
cūns pouroīt dire, qu'il n'estoit besoing de
ce faire, veu que gēs tāt famés en l'art de chi-
rurgie, cōme Io. de Vigo, & Ambros. Paré,
en ont si amplemēt escript. Si est ce pour-
tāt, que ce ne m'a nullemēt distraict, cōsi-
derāt qu'une matiere ardue & difficile, ne
pœult estre trop examinée, & dilucidée. Et
aussy iusque à maītenāt, nul n'a ainisy trai-
cté de cest affaire cōme nostre Godin, c'est
à sçauoir à pt la practiq̃, & separemēt la the-
orique. Parquoy amy lecteur, ie te supplie
vouloir tout prédre de bōne pt, & si la chō-
se n'est si fidelement traduicte, cōme pou-
roīt mieulx faire cœulx, lesquelz sont en
ce pl⁹ usités, de me vouloir excuser.

De Lille ce ix. de septēbre xv^e. Lij.

COMME AINSY SOIT,
que l'art de medicine (cōme recite
Hypocrates) soit decorée de trois
grandz dons : cest à sçauoir de gar
der la santé des homes, de preseruer
les corps des maladies futures, & de guarir les
maladies p̄sentes: Certes nostre intétion p̄sente
fera principalemēt de traicter de la curatiō des
maladies. Or pour, & à fin de obseruer & tenir
orde cōuenable, & aussy plus cōmodieusēmēt
instituer les lecteurs de ce petit liure: Nous cō
mécérons aux choses generales, en venant aux
speciales: puis aux indiuiduēs, ou choses parti
culieres: à ceste fin lors que le medicī chirurgiē,
aura la certaine & sceure cognoissāce de l'esēce
de la maladie, il puisse par vraie & infallible me
thode, prédre sceures & certaines indications,
tant generales que speciales, pour peruenir à la
fin qu'il pretend: la quelle est la sceure & parfai
cte curation des maladies. Car (comme dict le Phisico.
Philosophe) en tout art ou sciēce, tout est faict 2.
pour peruenir à une bonne fin. Et celuy qui
poeult le mieulx approcher d'icelle, est iugé le
plus sçauant & parfait. No^s pouons dōcque
bien dire, que c'est ung don excellēt de la bon
té diuine, quand par vraie raison, ioincte auecq
experience, le chirurgiē vient à restituer son Methodi
patient malade, à santé. Laquelle chose p̄cipas 2.

lement est la fin & cōsummation de l'art. Mais
combié que les deux propres intétions du chi-
rurgie soint de guerir les maladies, & preseruer
les hommes d'icelles: toute ssois icelle partié de
l'art, laquelle guerist les maladies, d'aultât que
elle est plus ancienne, aussy est plus à estimer &
louër. En suppliant doncques la grace du sei-
gneur dieu, nous cōmencerôs ce petit traicté,
& pour auoir plus clere & ample declaration &
intelligence plus summaire, no^r commencerôs
à la diffinition de maladie, laquelle n'est aultre
chose qu'une affection contre nature, laquelle
par soy & sans nul aultre moie empesche sensi-
blemēt les operations du corps: & est icelle ma-
ladie, ou affection de trois gères, ou differēces.
Premierement en intemperature. Secondemēt
en indeuē composition. Et tiercement en diui-
sion, ou solution de cōtinuité. La premiere est
propre aux parties simples. La deuxiesme aux
parties organicqs, ou cōposées. La troisieme
est cōmune, tât aux simples, que aux cōposées.
Or l'affection, ou maladie de quoy auons insti-
tué & deliberé de traicter, est une solutiō de cō-
tinuité, faicte d'ung traict à pouldre, causant
grande contusion, petite & legiere cōbustion,
intēperature chaulde & seiche, & aussi quelque
malignité indicible & occulte, procedāte de la
pouldre. Auecq icelle solution souuent ssois

Maladie

Artis me-
dicinalis

1.

De mor-
bo. 1.

aduient fracture de os, & aux nerfz, & tendons
ruptions, que les Grecz appellent spasmata, les
Latins, cōuulfiones, & aussy grandes attritions
& dilacerations d'aultres parties solides. Par
quoy aduient bien souuent que ces trois gères
de maladie dessusnōmés, se treuuent facilémēt
compliqués aueq icelle solution de cōtinuité.
D'aduantage souuent y suruiennent diuers &
perilleux accidēs, comme tumeur contre natu
re, procedant de la defluxion des humeurs, do
leurs vehementes, fiebres agües & dangereu
ses, grand flux de sang, & retractions de nerfz,
lesquelz accidens ne suruiennēt sans grand dā
ger de mort. Toutefois la maniere & metho
de, par la quelle on pourra preseruer & allegger le
patiēt des dessusdits simptoms & accidēs, se
ra monstree, & declarée en la secunde partie de
ce petit traicté. Car nous auons deliberé en ce
present liure, de traicter à part la theoricque, &
separémēt la praëtique: pour plus commodieu
sement & à moindre cōfusion traicter une par
tie & l'aulture, comme nous est tresbien demon
stré par Galéne, lumiere des mediciens, auquel
sommes grandemēt tenus, comme à cestuy du
quel viēt l'origine & premier commencement
de la vraie methode, laquelle nous deduiēt &
maine à le guerison des maladies. Il a voulu pa
reillement en grande diligēce & fidelement es

clarcir & donner à entendre, ce que Hippocra-
 tes prince des mediciens, nous auoit assez brief-
 uemēt & obscuremēt delaisſé, de tele sorte que
 impossible eſt quelque maladie pouoir ſubue-
 nir au corps humain, d'autant que par indu-
 ſtrie humaine elle ſe puiſſe guerir, que le vray &
 methodique medecin ne puiſſe facilement co-
 gnoiſtre & guerir. Or maintenant retournōs à no-
 ſtre propos delaisſé, & parlons de icelle preſen-
 te maladie, laquelle ne poeult nullement eſtre
 ſimple: car d'autant plus, que en la partie leſée
 aura de actions ou vertus empeschés, corrup-
 tuz ou aboliz, d'autāt eſt la maladie plus grief-
 ue & pl⁹ dāgereuſe. Les cauſes d'icelle maladie
 ſont touſiours exterieures ou primitiues, que
 les Grecz appellent, pcatartiques: toutesſois cō-
 bien que de ceſte cauſe externe, nulle indicatiō
 curatiue ne ſe doibue prédre, ſy eſt ce pourtant
 que la cognoiſſance d'icelle, prouffite grandes-
 mēt pour ſceuremēt paruenir à la fin pretēdue,
 qui eſt la curatiō parfaicte des maladies: laquel-
 le choſe nous demōſtre euidētement Galēne,
 par l'exemple de ung ſerpēt, lequel auoit mord
 ung homme. D'iceluy ſerpent ne ſe pren-
 doit aucune indication curatiue, cōme de une
 choſe qui pl⁹ ne nuist, & on ne craind pl⁹ qu'il
 le doibue nuire: car de la diſpoſitiō delaisſée, ſe
 prend ſeulement l'indicatiō curatiue. Toutesſois

la cognoissance du serpent cōpète & prouffite
beaucoup pour la certaine cognoissance de l'es-
sence du mal, mesmes est aussy du tout necessai-
re pour paruenir à la parfaicte curatiō. Car aul-
tremēt se guerist la morsure d'ung aspicq, aul-
tremēt de une vipere. Parquoy le prudēt & ad-
uise chirurgiē se doibt diligentemēt enquester
sy la solutiō de cōtinuité, de laquelle nous trai-
çons à present, est causée d'ung boulet fort
gros, ou moiē: ou si aultremēt auroit esté faicte
de petites pieches d'acief ou plomb, que on ap-
pelle ordinaiemēt dragée ou semēce, dequoy
sont faictes & causées fort dāgereuses & maul-
uaises plaies: car bien souuent sont detenues de
dens la plaiē, apportant & causant griefz & pe-
rilleus accidents. Parquoy le chirurgien inge-
nieus & prudent, doibt des le commencement
fort diligētemēt cōsiderer, & du tout si possi-
ble est, estre asseuré, si le boulet est passé oul-
tre; ou s'il est demouré & detenu dedēs la plaiē.
Car s'il est detenu dedens, il est encores comme
cause efficiente du mal, en irritant presentemēt
la plaiē, en danger de engendrer aultre mal, lez-
quel pouroit greuer d'aduātaige la partie affli-
gée. Au surplus seroit tresprouffitable au chi-
rurgiē, pour auoir pl^r ample cognoissance du
mal, de sçauoir commēt la plaie a esté faicte: car
sy le traiçt est sorti de l'engin directement, & a-

uecq grâde impetuofité, il aura meurdry, cafsé
 & dilaceré les parties folides, qu'il aura rencon
 tré, & auffy demeuré avecq ledit traiçt quelque
 portion de pouldre, laquelle d'autant que elle
 eft encore aëtuellement chaulde, elle faiçt quel
 que legiere & petite combuftion : & à caufe de
 fa qualité chaulde & feiche, elle induiçt une in
 téperature en la partie affligée famblable à foy :
 c'eft à fçauoir chaulde & feiche, avecq une mali
 gnité indicible, laquelle eft aulcunement vene
 neufe induiçte d'icelle pouldre, telemét qu'elle
 fe demaine de tele forte par tout les vaiſſeaux, q
 elle corrompt & deftruiçt les espritz & humidi
 tés radicales du corps, & nullemét ou bien dif
 ficilement fçauroit on doner raifon euidéte &
 manifeſte de la qualite mauuaife d'icelle poul
 dre. Le cas pareil pœult on veoir manifeſtemét
 en la pierre lazules, & en pluſieurs metaulx,
 d'ond on ne fçauroit doner raifon de leur qua
 lité veneneufe, parquoy il n'eſt de merueille ſy
 en une plaie, en laquelle il y aura demouré quel
 que portion de ceſte pouldre, il y ſuruient de
 mauuais & d'angereux accidens. Or puis que
 i'ay abſolument deliberé & cōclu, de dedui
 re par vraie methode la curation de ceſte mala
 die : il ne ſera que bon & cōuenable de dōner à
 Methode cognoiſtre que c'eſt de methode, laquelle n'eſt
 aultre choſe que une voie uniuerſele, laquelle

par vraie raison demonstre & enseigne la cura-
 tion des maladies. Et est aussy comune & fami-
 liere aux choses particulieres, c'est à dire, qu'elle
 instruiet le chirurgien à mettre à fin ses opera-
 tions manueles. En toute vraie methode, on
 doibt premierement commencer aux indica-
 tions generales: puis deuenir aux noms gene-
 raux, & en apres aux speciales, iusque ad ce que
 le chirurgië methodicque soit asseuré de la fin
 à laquelle il pretend. Pareillemēt toute metho-
 de se demaine per indications, mais les indica-
 tions sont du tout separées de experience. Par
 quoy est du tout cler, & euidēt, que toute me-
 thode appertiet à icelle partie de l'art, que no⁹
 appellons theoricque. Indication n'est aultre
 chose q̄ demonstration, ou insinuation raison-
 nable de ce quy se doibt faire. Aufurpl⁹ la fin de
 toute methode & de toute indication n'est aul-
 tre chose, que cercher & trouuer propres & cer-
 tains remedes, pour guerir les maladies: toutef-
 fois combien que il y ait deux instrumentz, ou
 chemins pour pouoir trouuer les artz ou scien-
 ce, cest à sçauoir raison & experience, certes le
 vray methodique procedera par vraie raison,
 en delaisât à part la simple experience, & se fie-
 ra dū tout à l'experiēce laquelle est fondée par
 vraie raison naturēle. Car la vraie methode de-
 monstre certainemēt à celluy qui voeult vraie:

Methodi
 4.

Indica-
 tion.
 Methodi
 2.

Methodi
 1.

mēt exercer la medicine, le droiēt chemin pour
 ſçauoir guerir les maladies, meſmes icelle me-
 thode á inſtruiēt & enſeigne Galéne, á inuēter
 & trouuer les remedes propres & idones pour
 la guerison des maladies. Car deuant Galéne,
 nulle perſonne ne ſceut parfaictemēt, & cōme
 il appertiēt guerir une poincture de nerfz, mais
 par l'expériēce, laquelle eſt fondée par vraie rai-
 ſon naturéle, il á ſceu facilement trouuer les re-
 medes cōuenables par guerir icelles pointures
 de nerfz. Sy eſt ce pourtant que le vray metho-
 dique obſerue diligētemēt icelle partie de l'art,
 que no^r appellons empiricque, mais ſeulement
 d'autāt qu'elle cōcerne les operatiōs particulie-
 res de l'art. Mais le fol & vray empiricque gue-
 riſt ſeulement les maladies par experience, tele-
 ment que lors qu'il void la curatiō ne ſucceder
 á ſa volūtē, ne ſçait qu'il doibt faire, ne cōment
 il doibt changer ſes medicaments, pour parue-
 nir á ſa fin pretendue: parquoy eſt conſtraint
 de demourer en ſon erreur, & maniere de faire.
 Mais le vray methodicq̃, lors qu'il void ſa ma-
 ladiere ngreuer, incontinent il vient á confide-
 rer la cauſe, á ſçauoir ſi elle vient de la partie du
 malade, ou de quelque mauuaife humeur de-
 fluant en la partie, ou de l'indecente applicatiō
 des medicamēts. Et en aiant diligētemēt tou-
 tes ces choſes deſſuſdictes confideré, il ordon-

Methodi

9.

nera conuenable & idone regime de viure: il
deffendra la defluxion des humeurs, & les de-
stournera, & selon la qualite du mal change-
ra ses medicaments. Parquoy amy lecteur tu
pœulx facilémēt considerer & cognoistre, que
nostre propos se adresse seulémēt aux vrais me-
thodiques & sectateurs de la doctrine de Hip-
pocrates & Galene. Lesquels ont voulu par une
vraie & certaine methode, raisonnablemēt pour
suiuir, & en la fin paruenir à la parfaicte cura-
tion des maladies, & non à ceulx qui ensuiuent
Themison & Theffal⁹, ausquelz la cognoissanc-
ce & decours des symptomes & accidets estoit Methodi
1.
seulement suffizante. Lesquels pareillemēt gue-
rissent les hommes en general, & non en par-
ticulier, disans les canōs uniuersel de l'art, avec
le discours des symptomes & accidets estre suf-
fizants pour la curation des maladies. Or en
laissant iceulx empiriques, retournons à nostre
vraie methode, & parlons de la solution de cō-
tinuité, de laquelle nous traictons à present, la
quelle ne poeult nullement estre simple, mais
fault qu'il y ait necessairement plusieurs mala-
dies cōpliquées, avec lesquelles on ne sçauroit
donner le nombre, sy ce n'est, que on ait bien
trouué les affectiōs, par lesquelles les actions
du corps sont bleśées. Or pour parler dicelles
affectiōs ou maladies compliquées, presuppo-

Le nom-
bre des
affectiōs
compliquées
auecq la
plaie.

sons que la premiere soit icelle plaie. La deuxiesme, ce quy de toute sa substance est cōtre nature, comme le traict ou boulet, les grāins ou semences, s'ils sont encores detenus en la plaie. La troisieme sera la cōtusion. La quatrieme la petite & legiere combustion, laquelle á esté induicte de la pouldre, laquelle estoit encores actuellement chaulde. La cinqiesme sera la malignité indicible, procedante de la pouldre. La sixiesme, la profundité & cauité de la plaie. La septiesme & derniere, sera l'intēperature chaulde, laquelle est causée de la pouldre, laquelle est potentiélemēt chaulde. Icy auons nōbré sept affectiōs contre nature, lesquelles sont tousiours compliquées auecq la solution de continuité, sans aultres accidēts, que no^r appellons accessoiress, qui ordinairement ensuiuent & suruiuent à une plaie: cōme grand flux de sang, griefue douleur, tumeur cōtre nature, fiebures, defaillement de cœur, & conuulsions, que les Grecz appellent spasmes. Lesquels accidens, sy par l'ayde de l'art sont deffenduz qu'ilz ne suruienēt en la partie, cela sera attribué à icelle partie de l'art, que nous appellons prophylactice, en Latin preseruatiua. Mais si iceulx accidents suruenuz en la partie, sont gueris, nous dirons ce estre faict, par le moiē de l'aultre partie de l'art, que nous appellons curatrice. Touteffois

les remèdes & moiëns, par lesquels iceuls accidents ne suruiennent en la maladie, & aussy par quels aides ils se doibuent guerir, sera cleremēt demonstré en la seconde partie de ce liure.

Or maintenant venons aux indications curatiues, lesquelles doibuent tousiours estre correspondentes en nombre, aux affections contre nature. Et pour auoir cognoissance de ce, il est bien requis d'auoir ung chirurgien ingenieus & methodique. Car les indications curatiues, sont directement repugnantes aus affections contre nature: comme nous est tant de fois demonstré par Galéne. Au surplus, iceluy chirurgien, doibt diligentemēt considerer, sy la curation de la maladie est reguliere & ordinaire: ou sy aucuns accidets ne empeschent l'ordre de la curatiō d'icelle maladie. Car en une curatiō ordinaire, riens ne se faict, que par une ordre & maniere coustumiere. Mais lors q̄ les accidets viennent à puertir la vraie maniere, par laquelle on est coustumier de proceder en la curatiō de la maladie, ou que lesdits symptomes sont sy grands, qu'ils dominant au dessus de la maladie: a lors la principale intention du chirurgien sera, de obuiër & suruenir à iceuls accidents, comme à la chose plus urgente. Comme no⁹ voions ordinairement, qu'il ait requis, de prestement secourir aus flux de sang: & pareillement apaiser

Methodi

4.

une grâde douleur, & remedier à une conuulsiō,
en delaissant l'intention que deburions auoir à
la maladie, sy iceuls accidets n'eussēt suruenus.
D'aduantage, en toutes curations regulieres &
ordinaires, la premiere indicatiō se doibt tous-
iours prendre de l'affection ou maladie, que
nous pretendons de guerir. Laquelle indicatiō
est bien de petite efficace, & à ung chascun fort
manifeste : car ung chascun sçait bien, tant soit
il rustique, que l'affection que nous traictons,
est une affection contre nature, laquelle ne
desire que guerison. Mais sçauoir par quels
moiēns icelle maladie se poeult guerir, il est
bien requis au chirurgien, d'auoir cognois-
sance de la vraie methode, & estre bien usité aus o-
perations de l'art. Et ce declaire bien manifes-
tement Galēne, quand il demonstre, commēt
il est de coustume de fabriquer & faire une næf.
Il diēt qu'il est notoire à ung chascun, que la ca-
rina doibt estre au fond, cōme la plussorte par-
tie : & que prora de coustume est situēe au de-
uant en icelle : & puppis en la partie posterieu-
re. Toutefois, ung chascun ne sçauoit faire la
nauire cōme il appertiet, & est requis de faire.

Methodi
3.

Parquoy iceluy quy methodiquement faiēt
ce que luy est demonstret par la premiere indica-
tion, pœult estre appellē vray medicin : mais
d'autant que la curation de la plaie, de laquelle

nous traictons à present, ne se pœult seulement
 prendre, à raison de la seule plaie, pour ce que
 plusieurs & diuers accidents sont compliqués
 avec icelle. La premiere indication, laquelle Premie-
re indi-
cation.
 est de grande consequence, & par le moien de
 laquelle tout se fait, est delaissee en partie, pour
 ung temps. Car en plusieurs complications, de
 dispositions contre nature, fault proceder à la
 pl^{re} urgente, pour paruenir à la vraie curatiō.
 Car en delaisant l'affectiō pl^{re} urgēte: cōme en u-
 ne solutiō de cōtinuité, sil y a emorrhagie, grā
 de douleur, & accidēts semblables, on ne pœult
 nullement paruenir à la curation de la solutiō
 de continuité, sy premieremēt on n'a preueni
 à icelle emorrhagie, & grande douleur &c. Et ce
 demonstre parfaictemēt Galēne. au troisieme Methodi
3.
 de la methode, quand il dict, que la ou il y aura
 plusieurs affectiōs compliquées, le chirurgiē
 doibt auoir trois intentions. La premiere sera
 prinse de la chose, quy est cause de l'actiōn quy
 doibt estre faicte. La seconde sera prinse de la
 chose, sans laquelle la dicte actiōn ne pœult estre
 faicte. La troisieme de la chose urgente & acces-
 lerāte. En delaisant donc icelles indications ge-
 nerales, adressons nous aus autres. Car aultre
 chose se demonstre par l'indication, laquelle
 se prend de la cause efficiente, de laquelle toute
 curation reguliere se commence: combien que

proprement elle ne ait aucun effect cōme cau-
 se interne. Toutefois ce quy est de toute sa sub-
 stance contre nature delaisé en la plaie, cōme
 le boulet & la pouldre, sont de mesme valeur,
 comme sy c'estoint causes internes. Parquoy
 il est assez demonstré qu'il est de tout necessai-
 re, de les oster hors de la plaie. Et pour ce faire
 sont au iourd'hui inuentés plusieurs & diuers
 instruments propres, pour oster & extraire ce-
 stuy boulet. Mais au contraire, la pouldre est
 telemēt adhérente aus parties dilacerées & meur-
 dries, q̄ du tout ne se pœult nettoier ne oster,
 si ce n'est que les parties contuses, soient pareil-
 lement mundifiées & séparées. Voila commēt
 lors que les parties meurdries, sont séparées &
 mundifiées, q̄ la pouldre est pareillemēt ostée.
 La deusiesme sera celle quy se prend de la cōtu-
 sion, laquelle contusion aussy long temps que
 elle est dedens la plaie, demōstre d'estre séparée,
 Et ce par le moien des medicamēts quy engen-
 drent pus ou sanies, que les praticiens appel-
 lēt *saniatiua*, ou *suppuratiua*. Car, cōme tesmoi-
 gne Hippocrates, il fault que toute plaie faicte
 par contusion, se putrefie. Et par ce moien, la
 partie est pl^{us} fleurée de phlegmon, & d'autres
 accidents quy pouroint suruenir, & est neces-
 faire que la chose ainsy aduienne: car la chair
 meurdie & dilacerée, est comme putrifiée, la-

La deus-
 ième in-
 dicatio.

Methodi
 4.

quelle par le moié des medicaméts, se cōuertist
facilement en sanie. Et par ce moien se purge la
plaie d'icelle contusion, & aultre nouelle chair
s'y engendre. Et iceuls medicaments, que no^r
appelons faniatiua, & les Grecs pyopæa, sont
chaulds & humides, quy rendét la chair contu
se pl^r molle, & cōme toute putrifiée, cōme sont
plusieurs graisses & axunges, aulcuns muscilla
ges, le beurre, & huille. Apres ceste indication
s'ensuit celle quy est prinse de la legiere combu
stion: laquelle d'autant qu'elle est petite, aussy
l'indication quy se deburoit prendre d'elle, ne
doibt estre de grande reputation: d'autant
que apres auoir osté la cause efficiente, & la con
tusion cy dessus mentionnée, que la conbustion
se vient faicillement à esuanuir & dissiper.

La troi
iesme in
dicatiō.

En poursuuiant nostre matiere par ordre, no^r
parlerons apres ceste petite & legiere indicati
on, de celle la, quy est prinse de la malignité de
la pouldre: de laquelle ensuiuent bien souuent
les plus pernicieus & mauuais accidents, que
possible est de suruenir en ceste maladie. Et
d'autant q' icelle malignité est ung simptome,
suiuant la maladie, à raison de la pouldre, aussy
pareillement admeine & engendre avecq soy,
de tresmauuais accidents: comme fiebure, de
faillement de cœur, palpitatiō, & trablemēt
de cœur, & corruption des esprits, & de hu-

meurs, Toutefois il ne se pœult nullement des-
monstrer, de quelles qualités icelle malignité
depende; combien qu'on cognoisçe, qu'elle de-
mande l'ablation d'elle, comme une chose qui
est cõtre nature. Laq̃lle chose se fera par certains
remèdes & aides, par nous en cest affaire par l'õ-
gue experience esprouués. Entre les aultres, un
des p̃cipauls & pl^r certains, est cestuy de Galé-
ne, faict d'escreuiches de riuieres, duquel cy aḡs
monstreray la cõposition. Aussi pour obuier
à ceste malignité, sont requises toutes choses,
lesquelles de leur substance & propriété, entre-
tiennent & gardent la force & vertu du cœ̃ur:
dequoy ferons cy en apres mention. Parquoy
n'est de merueille, sy ceste indication à bien sou-
uent avecq̃ soy la totale action de la cure, veu
& consideré, la consequence des mauuais acci-
dents d'icelle. Apres ceste indication, par-
lons de celle là, qui est prinse de l'intemperie
chaulde & seiche, procedante de la pouldre.
Laquelle intemperie, proprement est maladie
des parties similaires, & se oste & guerist par
qualité cõtraire: c'est à sçauoir par medicamēt
refrigeratif. Ces choses considerées, il est bien
requis d'auoir ung chirurgiē bien expert & in-
genieus, pour sçauoir de combien les parties af-
fligées sont emprinses, de ceste intēperie chaul-
de, à fin qu'il puisse mieuls, & par coniecture

plus artificiële ſçauoir, combien il ſera de be-
ſoing de refrigerer icelle partie. Nous appellôs
coniecture artificiële, celle quy approche plus
pres de la verité. Car le medicin ne pœult certai-
nement ſçauoir, de cōbien les parties affligées
ſont desbordées, ou deſreiglées de leur bonne
& naturële temperature. Mais par icelle conie-
cture artificiële, il cōſidère le pl^r qu'il pœult, la
verité. Parquoy il eſt facile à veoir, comment il
eſt requis grand iugement pour ſçauoir appli-
quer choſe cōtraire pour la guerison de la ma-
ladie. Car il ne ſouffit poit à une maladie chaul-
de, de appliquer choſes froides, ſy on ne les ap-
plique par deuë & certaine meſure, comme la
maladie le requiert. Car ſy vo^r refrigererez mois
qu'il ne conuient, vous ne pourrez vaincre ne
ſurmonter l'intemperie chaulde: & ſy vous re-
frigerés trop, vous cauſerez une aultre maladie
beaucoup plus grande. Comme nous auons
veu en ung viel ruſtre de guerre, aupres de Pe-
ronne, auquel ſuruint ung ereſipelas en la iâbe.
Iceluy perſonage eſtoit penſé & ſollicité d'un
viel empiricque, lequel luy fomentoit la iambe
d'eau de morelle, & de meures avec du camfre.
De ceſte maniere de application, il ſembloit au
chirurgien empiricque, l'eſpace de trois iours
auoir bien prouffité: mais non ſçachant com-
bien qu'il debuoit refrigerer la partie leſée: il cō-

tinua tousiours les mesmes medicaments, par
lesquels la iambe fut tressort refrigerée: telemét
que apres que la chaleur naturelle de la partie
fut du tout extincte, la maladie se tourna en câ
crene: puis apres en parfaicte mortification,
d'ont peu apres veismes ledict patient morir.
Plusieurs teles belles cures auons veu estre fai-
ctes des empiricqs, lesquels iournelemét en tu-
ent beaucoup, sans ce touteffois, qu'ils en soient
reprins ou punis. D'ond en deuient sy glori-
eus, qu'ils se viennent espandre par tous quar-
tiers, non sans grand mal & detrimét du pœu-
ple, & de la republique, & grand deshonneur
de la profession de medicine. Ceste practique
ay voulu racópter, à fin que le chirurgié metho-
dicque, cognoisçe que ce n'est pas peu de chose
quand il est question de venir à l'application
des qualités contraires, & aussy à fin qu'il cog-
noisçe, que la temperature de la partie affligée
auec la maladie, luy demóstre la mesure & por-
tion de la contrarieté. Car il fault entédre, que
la temperature naturelle des parties, en toute cu-
ration de plaies, obtient action de cause. Car im-
possible est guerir quelque plaie, sy les parties
subiectes ne sont en leur téperature naturelle.

La sixies-
me indi-
cation.

Or poursuiuant nostre propos, parlons mainte-
nant d'icelle indication, laquelle est prinse de la
profundité de la plaie. Laquelle profundité

n'est aultre chose qu'une cauité bien grande, en laquelle s'engendrēt des sinuosités, que les praticiens appellent cauernosités. Icelles affecti-
ons sont propres aux parties organicques, c'est à sçauoir en l'indécēte & mauuaise cōposition & figure des partiēs affligées: lesquelles choses puiēnt de la perdition de quelque partie solide. Pareillement icelles cauités ou pfundités sont des ppres differēces de la plaie, cōme largeur & rotundité: grandeur, & petitesse: car les differēces des plaies, se prennent principalement des choses quy aduiēnt & occupēt le lieu blessé: donc icelle indication prinse de la profondeur de la plaie, nous demonstre euidentement la repletion d'icelle, & reparation des parties deperdues. Laquelle repletion declaire aus chirurgiens, quels medicaments sont propres, pour la restauration & repletion d'icelles cauités. Car en toutes plaies caues, il nous est par elles mesmes signifié, que icelle chair quy est deperdue, doibt estre restaurée. Or est il tout notoire, que la matiere & substance de la chair quy se doibt engendrer, doibt prouenir d'ung sang louable, lequēl ne soit pechāt en qualité, ne en quantité. D'aduantage est à sçauoir, que nature seule, est celle, quy faict icelle generation de chair, par le moïē du sang dessusdict. Parquoy nous pouons raisonnablement dire, que nous

Methodi
3.

Methodi
3.

n'auons nuls medicaments sarcoticques: c'est à dire generatifz de chair, mais seulement sont par accident dictz tels, à cause que sans aucune erosion, il viene à desseicher & nettoier l'humidité, empeschante l'œuvre de nature. Car du nourissement idone & propre pour la generation de la chair, il en prouient deus excremets. L'ung subtil, q̄ les Grecz appellent ycor, les Latins sanies: l'autre n'est sy subtil, mais plus espes, q̄ les Grecz appellent pus, les Latins sordes. Du p̄mier excremet subtil, la plaie en est faicte humide: de l'autre excremet quy est espes, elle en est faicte sordide. Parquoy toute plaie laq̄lle requiert quelque repletion, desire medicamēt, aiant double qualité ou vertu. Car la plaie d'autant qu'elle est humide, demāde desiccation, & d'autāt qu'elle est sordide, requiert abstersion. Pareillement, d'autāt que aucune plaie est pl̄s profonde, d'autāt at elle à faire de medicamēs plus deterfifz, & aussy de substāce plus liquide: à fin que le médicament paruienne mieuls au fond de la plaie. Et pour ce faire, plus commodieusement, il est requis d'auoir vraie cognoissance de la figure & situatiō de la ptie. Et à fin de mieuls entēdre ceste indication, il fault que le chirurgien ait certaine cognoissance de la nature de la partie: & que par ung iugement seur & aduisé, il entende par quel moien icelles sinu

osités se doibuent remplir. Car sy le medicamēt
liquide, quy est iecté dedens la plaie caue, ou fi-
nueuse, est trop deterfif, il esmouuera douleur,
& causera que la cavitē deuendra plus profun-
de. Et au contraire, s'ils sont peu deterfifs, ilz
rendront la plaie plus sordide. Au surplus il
est requis au chirurgien, d'auoir la cognoisſan-
ce de la qualité & temperature, d'une chascune
particule. Car aus natures & parties plus humi-
des, il est besoing de medicaments moins desic-
catifz, & aus parties pl⁹ seiches, plus desiccatifz.
Commēt est il donc possible, que le chirurgiē,
s'il n'est bien institué & usité en la vraie metho-
de, puist cognoistre que l'encens en aulcune na-
ture engendre chair, & aus aultres sanie ou sor-
des. Car les corps tendres & delicatz, cōme des
petits enfans, & fœmes oiseuses, ne pœuent
endurer medicamēts sy forts & violents, cōme
les corps durs & robustes. Parquoy est en cere-
prinse & cōgnue, l'insipiēce de Theſſal⁹ & The-
mison, lesquels, cōme dict est, se cōtentoit de la
cognoisſāce cōmune & nō p̄ticuliere. Cōme il
est requis à un chirurgien methodique de co-
gnoistre, à fin de plus decentement appliquer
ses medicaments, selon ce que la diuersité des
corps le requierent, & de poursuiuir ses intenti-
ons curatiues: iusque à ce, qu'il soit paruenue à la
fin pretendue & requise. Mais sy d'aduenture.

en icelle plaie la chair est creuë plus que de raison, c'est une affection contraire à la precedente, que les Grecz appellent hyperfarcosis, laquelle desire estre ostée de la partie malade: & ce se faict par l'œuure des medicamēs, & non de nature. Et ces medicamēs lesquels reprimēt & ostēt icelle chair supercrescēte, fault qu'ils soient de grande desiccation, & forte deterfion, à fin qu'ils puissent oster & demolir ce quy est creu & suruenu contre nature. Or maintenant pre supposons icelles indications p̄dictes estre accomplies, & que la plaie soit rempliē de chair, & qu'il reste seulement à cicatrifer icelle plaie, laquelle cicatrice induicte, fera fin & accomplissement de la cure. La cicatrice, est comme du tout semblable à la peau, laquelle se faict & induict par la faculté & vertu des medicaments: lesquels medicaments sont beaucoup plus desiccatifs, que les agglutinatifs, ou generatifs de chair, que les Grecs appellent sarcotiques. Car les sarcotiques ne passent point le premier degré en siccité, mais les agglutinatifs (lesquels se appliquent seulement aus plaies simples & recētes) doibuent estre ung peu plus desiccatifs que les sarcotiques, à fin de pouoir cōsumer & deseicher l'humidité naturelle, laquelle se trouue en la plaie, & aussy d'aduantage les epulotiques: c'est à dire les cicatrisatifs viennent de tele

forte cōdenfer & espessir la peau, qu'ils produi-
sent une membrane, cōme du tout semblable
à la peau: tellement que iceuls medicaments epu-
lotiques, sont sy conformes aus medicaments
quy ostent la chair excrescente, que iceuls me-
dicaments ostant la chair supercrescente, mise
en petite quantité, pœuuent deuïement causer
une cicatrice: comme misî, & calchites, sy elles
sont bien lauées & remises à douceur. Il y a pa-
reillement des medicamēts lesquels n'ont nul-
le erosion, toutesfois sont de grāde desiccatiō,
& iceuls proprement sont epulotiques: c'est à
dire cicatrifsats: comme les os de mirabolans
mis en pouldre, les escorches de grenādes, mi-
nium laué, anethum bruslé, pompholix lauée,
& plusieurs aultres metauls. Et alors que tu
auras cicatrisé ta plaie, & seras du tout sceurez
ment paruenue à ta fin pretendue: remerchie le
createur, lequel t'ā voulu doner ceste raison &
cognoissance, de la vraie methode, par laquelle
tu es paruenue à ta fin pretendue.

Il reste maintenāt à parler d'iceuls accidents Des ac-
cidents
accessoi-
res.
lesquels auons icy dessus appellé accessoi-
res, lesquels en partie sont comme maladies, ou af-
fections nouelles, & en partie comme sympto-
mes ou accidents. Or nous parlerons du flux Le pre-
mier ac-
cidēt ac-
cessoire.
de sang (que les Grecs appellent hemoragie)
lequel ne suruiuent iamais à une plaie, sy aulcū

grands vaisseaus, comme veines, ou artères, ne sont diuifés, ou rompus. Et entre les aultres iceuls vaisseaus, quy sont au milieu de la cuisse, & les iugulaires, sont de fort grands perils. Et aussy sont pareillement iceuls flux de sang, lesquels procedent des parties internes du corps. Or est il notoire, que iceluy flux de sang, est symptome & accident, de la solution de continuité, lequel flux de sang facilement cessera, sy on vient à remedier à la cause d'ont il procede. Ce qu'il se pœult faire en deus manieres: c'est à sçauoir, en diuertissant le sang fluant, en icelle partie, par les veines cōmunes & familiares, au membre affligé, à l'aultre partie opposite, & en serrant le vaisseau, lequel est diuifé: ou en retenant le sang, quy induict comme une callosité sur la veine. Pour la curation d'icelle affection, sont fort propres, bones ligatures, deuë coniunction des labies de la plaie, & applicatiō des medicaments astringéts, desquels ferons mention en la secōde partie de ce traicté. Mais lors que le flux de sang puiet du dedés du corps, à lors la ligature, ne l'application des medicamēts, ne pœult prouffiter; mais se il fault secourir par reuulsion, que les Grecs appellent antispasis, ou par deriuation en Grec parochetensfis, & se fault que icelle reuulsion se face tousiours par icelles veines, lesquelles directement

Diuersif
on.

vient correspōdre à la partie affligée. Cōme sy la iābe droiēte est blessée, tu ouuriras la basi liq̄ dextre, & sy le brach est affligé, tu ouuriras la veine diēte vena poplitis, quy est dessoubz le genoul, du costé mesme, ou de la cheuille. Pareillement sy le col ou l'espaule du droiēt costé est bleschée, tu feras ouuerture de la cephalique, du mesme costé. Apres la reuulsiō estre deuēment faicte, ne sera encores que bien faict, d'oster du sang des parties voisines: c'est à sçauoir auecq aulcunes ventoses, qu'on pouroit appliquer à l'enuiron de la plaie. Au surplus, il est bien requis & necessaire, d'user de viandes & boire, qu'ils puissent refrigerer & engrosser le sang, & de user de medicaments astringents: desquels parlerons plus amplement cy apres. Et aussy par le moien de la reuulsion & deriuation aus parties voisines, tu deffendras que aucune tumeur ne suruienne à la plaie. Et aussy en usant de medicamēts repercuissifs & confortatifs de la partie: en appaisant la douleur: en ostant la chaleur estrange: & en purgeāt le corps de ses mauuaisēs humeurs, sy besoing est. Pareillement les conuulsions sont aulcunesfois prohibées, par l'application d'aulcuns medicaments, & remēdes propres à ce, sur les aînes, soubz les aisselles, & au col. Et certes sy par le moien de ceste partie de l'art, que nous appel:

lons prophylactice, tu viens à deffendre que iceuls accidents ne suruiennent: ce te sera grand honneur vers le pœuple, & l'utilité demourera au patient. Mais sy les dessusdicts accidents ne pœuent nullement estre deffenduz, par les moiens predicts, ou par l'indeue applicatiō d'iceuls, ou le mauuais regime du patient, ou par l'ignorance du chirurgiē iceuls accidents soient suruenus, lors est questiō de les oster & guerir, comme chose contre nature: comme ainsy soit aussy, que toutes tumeurs viennent de la defluxion des humeurs. L'indicatiō curatiue donc d'icelles tumeurs sera euacuation: & aussy nullement ne se pœult guerir la plaie, sy la tumeur n'est ostée. La maniere de guerir icelles tumeurs, est tresbiē traictée par Galéne, au secōd ad Glauconem, & aus deus dernieres liures de sa methode. Pareillement auez vo^r au premier ad Glauconē, & au neufiesme de la methode, la curatiō des fiebures: parquoy no^r en deporterons d'en parler. Mais le chirurgien soit seulement aduisé, de mener avec luy ung medicin dōcte & suffisçant, pour suruenir à icelles fiebures. Lors que les conuulsions commēcent, elles ont de coustume de suruenir premierement aus parties, lesquelles sont plus directes à la partie affligée, ou malade. Car a lors que le cerueau se sent lesé, incontinent icelle conuul

sion s'espar d par tout le corps : mais icelle con-
uulsion laquelle est produicte de mauuaises
humeurs, abeuurée dedés la substance du nerf,
requiert du tout euacuation d'elle. L'euacuation
se pœult faire, cômee auons dict cy dessus par re-
uulsion & unctions idones & conuenables.
Mais iceluy spasme, quy est faict par le moyen
d'une inflammation communiquée des parties
nerfueuses bleśées, ou trenchées, ou non bleś-
ées, est appelle des practiciens *spasm⁹ propor-*
tionatus ad materiam. Mais la conuulsion quy
est faicte seulement de la malice de quelque ve-
nin, ou de quelque grande douleur, lors il est re-
quis de faire euacuation de ceste matiere vene-
neuse, & deffendre qu'elle ne viene au cerueau:
& icelle conuulsion est appelée *spasmus non*
proportionatus ad materiam. D'aduantage se
il suruient grande douleur à la plaie, tu conside-
reras la cause d'icelle: car elle suruient tousiours
de la solution de continuité, ou de soubdaine
alteration, ou de tous deux ioinctes ensemble.
L'intemperie ou l'alteration des qualités de la
partie, sont ostées par qualités contraires: mais
la solution de cōtinuité, est réparée par le moi-
en de l'union, des parties separées & diuisées.
Et aussy coustumierement quand poincture &
ruption est aduenue à quelque nerf, à lors sont
causées de grandes & terribles douleurs: telemēt

que souuētessois sommes constraintz de coup-
per le nerf transuersalement, & à lors ils ne cau-
sent plus nulles douleurs, Aussi en les couppât
transuersalemēt vous pseruez v̄e patient de la
mort, en delaissant seulemēt la p̄tie debile. D'a-
uēture sil y auoit quelque humeur quy vint à
remplir & estendre le nerf: à lors il est question
de le resouldre par medicaments resolutifs, cō-
me nous dirons cy apres. Par tels moiens, au
commencemēt des conuulsions, en auons plu-
sieurs gueri & allegez: mais quand elles estoient
esparses auant toute la substance du nerf, venāt
iusque à leur principe, ils mouroient tous avec
grande douleur. Au surplus sy les os sont rom-
pus & comminués en diuerses pieces, comme il
adiuent souuent en ceste maladie: il est necessai-
re q̄ entre icelles pieces & frustules, il sy engen-
dre sanies, & à lors icelles pieces rompuës & cō-
cassées, se doibuent ingenieusement avec pro-
pres instruments tirer hors: car par la longue re-
tention d'icelles, se pouroit facilement esmou-
uoir ung spasme. Lors que les chefs & bouts
des os sont separés, tu couperas les ligaments,
& attireras iceuls os au dehors. Pareillement
quand la pellicule ou membrane couvrante le
os, retient quelque petite piece d'os, il la fault
coupper, puis tirer iceluy os au dehors. Sy d'a-
uēture quelque partie du corps estoit empor-

tée par le moié de quelque gros boulet, & q̄ l'os
descouuert fut demouré inequal: ceste inequa
lité doibt estre ostée avec une serre ou sie, assez
hault, à fin que en apres, q̄ la chair quy se doibt
r'engendrer, puisse produire une forte & dure
cicatrice. Mais sy le craniũ est blessé, ou vulne
ré du coup, ils sont le plus souuét rendus tout
estonnés: sy est ce que nous auons veu souuét
le cranium estre blessé, sans ce que la plaie fut
penetrante. Et aussy fault sçauoir, que les plaies
faictes au costés de la teste, sont beaucoup plus
perilleuses, que celles quy se font en la partie su
perieure: car des costés sont p̄duicts plusieurs
nerfs, mais de la partie superieure, nuls. La solu
tion de continuité aus os, demande union des
parties separées: mais en icelles plaies, à cause
que les os sont du tout comminués & cassés, la
solution ne se pœult sy incontinent unir, mais
est premier requis par instruments idones, les
tirer dehors. Et en apres pour suiur les indicati
ons, comme est dict dessus, nous ferons icy a
my lecteur, fin des indicatiõs, lesquelles se doib
uent prendre des accidents, que nous appel
lons accessoires, quy te profiteront fort, pour
paruenir à ta fin pretendue.

Des prognostiqs.



CELLE PARTIE DE
medicine, que nous appellōs signi-
ficatiue, consistē en l'observation
des signes, laquelle contient en soy
la cognoissance des choses passées,
& la consideration des choses presentes, & le
prognostique & aduertēce des choses aduenir.

Præfati-
on. 1.

Parquoy au moien de ceste ptie de l'art, le vray
methodique pœult acquerir grand bruit, &
honneur, moienant qu'il soit prudent & aduisé,
touchant le prognostique des choses futures:
telemēt que sy possible n'est que par son indu-
strie & artifice, il ne puisse ung chascun mettre
à santé, il euite le scandale du pœuple, en predi-
fant ce qu'il en debuoit aduenir: d'aduantage
en considerant par meur & deliberé iugemēt,
les accidēts quy pouroint aduenir, il pœult sol-
liciter par sa prudence, que iceuls accidēts quy
pouroint aduenir, ne suruiendront point: cō-
me le prudent marinier, quand il apperçoit que
la tempeste se doibt esleuer, incontinent il viēt
à pourueoir à toutes ses choses quy luy sont
requises & necessaires, pour garder & preseruer
icelle nauire. Pareillement quand le chirurgien
methodique veoid quelque plaie en aulcun mē

bre, incontînét il considérera les accidents qui pouroint suruenir, & lors par aides idones & propres empêchera, que quelque conuulsion, ne aultres accidents ne y suruiendront. Et est à noter, que la vraie certitude de bien prognostiquer à ung chascun chirurgië methodique (apres auoir cogneu l'essence de la maladie, & les accidents d'icelle) consiste principalement en aiant consideratiō de la dignité de la partie affligée: & icelle dignité est cogneuë par l'actiō que la partie affligée doit naturellement faire. Or entre toutes les parties du corps humain, tāt similaires, que cōposées. Il en y a plusieurs necessaires pour la cōseruation de la vie, lesquelles nul ne pœult cognoistre, sinon celuy qui est bië instruiēt en l'anatomic du corps humain. Et d'icelles plaies lesquelles n'ont poit de peril ne de danger en elles: & de celles qui sont pñcieuses du tout, il est facile à en prognostiquer. Mais de celles lesquelles ont aucun moien entre ces deus là, il n'est point facile d'en faire certain prognostique, ne de la mort, ne de sanité. Car à lors il est requis d'auoir ung chirurgien bien prudent, qui sçache diligemment considerer, à sçauoir, sy la plaie est plus encline à mort, que à guerison: ou de recepuoir quelqs mauuais & dangereux accidēts. Et apres auoir bien curieusement consideré les choses dessus:

D'ont
vient la
sciēce de
bien pro
gnosti-
quer.

dictes, on pœust bien dire par coniecture artificielle, ce quy semble qu'il en pœult aduenir:& par ce moien, le chirurgien maintiendra sa profession en honeur, en augmentant pareillemēt le sien. Et à fin que ne delaissions les parties nobles, lesquelles quād elles sont blessées, ne sont sans grand danger de mort, pour mieuls dilucider nostre petit traicté, & doner à entendre aus lecteurs d'iceluy, nous les declairerons.

Premierement toutes les parties principales, & icelles lesquelles immediatement les seruent, & aussy celles quy sont fort prochaines ausdictes parties principales & nobles, sy elles sont blessées du traict, necessairement causent la mort: & en general toutes icelles parties, lesquelles sont contenuës en la poictrine, & pareillemēt au vêtre inferieur. Et icelles aussy quy sont contenues au craniũ, causent & admainēt la mort, sy elles sont blessées du traict. Toutefois, iceuls ausquels les gros intestins & la ptie charneuse du diaphragme sont blessés, ne doibuent estre du tout delaissés, qu'on ne leurs face tout ce quy est requis, & ce que l'art commande.

Et pareillement les parties externes, comme les arteres carotides, & veines sphagitides, qu'on appelle vulgairement originales, quy sont au col, & iceuls grāds vasseaus, lesquels sont espars au milieu de la cuisse, sont de fort grand peril

& danger : à cause du grand flux de sang qu'y
 en prouient . Aussi icelles plaies lesquelles
 sont faictes es parties solides & nerfueuses , ne
 sont point sans peril ne danger . Car icelles
 plaies sont coustumierement de mauuaise mo-
 rigeration , d'ont pœuent sourdre mauuais
 accidets, cōme cōuulsiō, & la mort: mais icelles
 qu'y sont faictes seulemēt es parties charneuses,
 sont moins dāgereuses. Cōbien qu'elles soient
 profondes, sy est ce pourtāt, que quand le chef
 des muscles sont meurdri & lacerés , aulcu-
 neffois pœuent causer spasme : aussi pareil-
 lement les plaies profondes, causent le plus sou-
 uent cauernosités & sinuosités, lesquelles sont
 cause de la prolongation de la cure. D'aduan-
 tage d'iceuls accidents que nous auons appellé
 accessoirs, qu'y suiuent la maladie, se pœult au-
 sy faire prognostique. Car fiebres fortes, vui-
 deur, defaillement de cœur, & conuulsions, ne
 suruiennent point sans grand danger & peril.
 Et est à noter, que no^r auons veu souuēt ceuls
 qu'y mouroint d'icelles plaies: un iour ou deus
 deuant la mort, qu'ils laissoint quelque portiō
 de sang par les narilles, ou par la bouche, ou
 par le fondement: & iceluy flux de sang ne pro-
 cedoit d'aultre cause, que de la malignité de la
 pouldre, laquelle auoit infecté & corrompu i-
 celuy sang. Or quand aucunes parties orga-

Nota.

nicques, cōme brachs, cuisses, ou iābes, sont bles
sées, c'est grand honeur au chirurgiē, sy en gue
rissant son patient, il garde & preserue que la
partie ne soit affollée, & priuée de son office &
action : ou sy l'action d'icelle partie doibt estre
plus foible, ou du tout deperdue, de le predire
aus amis, ou aux assistens : car ordinairement, les
amis sont coustumiers de demāder d'icelles af
fares au chirurgien, & n'est certainement pos
sible en asseurer iceuls amis & assistés. Sy le chi
rurgien ne at la parfaicte cognoissance de la cō
position, action, & utilité d'une chascune par
tie, la composition & actiō pœult il sçauoir des
anatomistes, & l'utilité en lisant les œuures de
Galēne, & d'autres docteurs, lesquels ont trai
cté methodiquemet la medicine. Par ainsy no⁹
ferons fin de la premiere partie de ce present
traicte : priant au seigneur, de nous doner la
grace, de bien peracheuer la reste.

Le deufiesme li VRE, LEQVEL TRAICTE DE la curation des plaies faictes de traict à pouldre.

NOUS AVONS DICT EN
la premiere partie de ce petit traicté,
qu'icelle partie que nous appellons
theorique en tout art, a esté inuétée
pour vrayemēt cognoistre la verité.

Mais icelle partie q nous appellons practique,
estre trouuée, pour mieuls exercer & mettre à
fin icelles operations lesquelles sont requises
estre faictes, suiuant icelle verité. Nous auons
pareillement dict, que la fin de toute methode,
à son propre scope & regard, pour trouuer re-
mèdes propres, pour restituer le patient à gue-
rison & sanité. Par ainsy quand le chirurgien
quy est bien usité en sa methode, & bien in-
struit de ses indications, il pœult facilement
venir à chef de merueilleuses & grandes opera-
tions quy suruienēt en la chirurgie. Il est à sça-
uoir maintenant, que curatiō est double: c'est
à sçauoir generale, & particuliere. La generale
est celle quy se demaine seulemēt par vraie me-
thode: mais la particuliere consiste en la descri-
ption & ordonnance des medicaments, & en
la vraie maniere de mettre à execution les ope-
rations de l'art: & icelle est deduite & diuisee
en trois parties: c'est à sçauoir en celle quy gue-
rist les maladies, par regime & ordonnance de
viure, que les Grecs appellent diæteticen: & en
celle quy guerist les maladies par remèdes &

Curatiō
est dou-
ble.

medicines, qu'on appelle en Grec pharmacent-
ticien : & en celle quy guerist seulement par ope-
ration manuelle, que nous appellons chirurgie.
Et de ceste derniere partie auons nous deliberé
de traicter en ce deuesiesme liure, parquoy tu en
commenceras la curation particuliere, en tele
sorte comme cy apres te sera demonstree. Sy tu
es appelle pour aller visiter quelque patient, tu
considereras en quelle partie du corps la plaie
aura esté faicte, & diligentement aduises, sy la
curation est possible, ou non. Et sy ainsy
est que la plaie soit guerissable, & que le boulet
soit detenu en la plaie, des le commencement avec
instruments idones, tu le viendras à oster, à fin
que en apres ne se viene à profunder, & rendre
plus occulte. Toutefois aduient bien souuent,
que iceluy traict ne se peult des le commence-
ment oster, à cause du grand flux de sang, ou de
la profundité du lieu : ou pour ce qu'il est par-
uenu aus parties nerveuses, membraneuses, ou
osseuses : & à lors l'ablatiō d'iceluy traict se dif-
fere, iusque aus iours ensuiuans. Et est à sçauoir
qu'il y a plusieurs & diuers instruments, tant
droicts que courbes, pour tirer hors iceluy
boulet : & tous ceuls desquels on a usé iusque
à maintenant, sont au bout dentés, ou ont en
la pointe unerōde caviété, pour enclorre ledict
boulet, & iceuls sont fort idones & propres,

entre tous les aultres. Toutefois celuy lequel depuis peu de temps a esté inuenté, nous plaist fort, la forme duquel ie declaireray: Il y a une buse ronde & droicte, de la longueur d'une palme, un peu pl^s grosse que n'est une plume avec laquelle on escript, & au milieu d'icelle y a une terrelle bien gresle & menuë, avec une poincte fort aguë, laquelle ne se boute hors, sinõ quand vous tournez icelle terrelle, laquelle a, à la partie basse, un manche, en forme d'une croix, à fin qu'on le tourne plus facilement. Car quand vous la tournez, la poincte d'icelle terrelle, laquelle est fort aguë, se vient à bouter dedens le plomb, & à lors se tire facilement dehors, à cause que la poincte est tortuë, & faicte en forme d'un forret. Mais il fault sçauoir que iceluy instrumēt, ne sert tant seulement que à un boulet de plōb, lequel se pœult toucher d'icelle terrelle: mais les grains d'achef, que nous appellons dragées, sont tirées avec ung instrument, que nous appellons becq de gruë, ou soit droict, ou courbe, ou dété, selon que la partie le requerra. Mais la pierre heraclius (qu'on appelle magnes) mise au milieu de l'emplastre, à aulcunes fois tiré iceuls grains dehors: & sy des le premier iour iceuls grains ne se pœuent oster, sy est ce que lendemain se fault du tout enforcer, pour les auoir hors, à fin qu'ils ne viennent à profunder,

La description
d'ung instrument
nouuellement
trouué.

& au surplus engendrer un accident plus grief. Mais sy tu veoids q̄ la cure soit impossible, ou que le traict soit en la poictrine, ou au vêtre inferieur: lors tu ne molesteras nullemēt ton patient avec les dessusdicts instruments, ne pareillemēt avec aucunes huilles chauldes: mais tu traicteras tant seulement la plaie, le plus doucement que tu pouras: en declairant & aduertissant les amis, du peril & danger d'icelle plaie. Pareillemēt la pouldre d'icelluy traict, laquelle est biē fort adherēte aus parties cōtuses, cōbien que elle ne se puisse des le commencement oster: toutefois la malignité d'icelle se doibt reprimer, par aides & remēdes à ce p̄pres & idones: & pour ce faire, tu y procederas en la maniere quy s'ensuit.

La pouldre.

Premierement tu feras boullir de l'huile de hipericon (laquelle composition ie diray incōtinent) en ung petit vaisseau d'arain, ou de terre, & en iceluy tu temperas tes plumaceaus: desquels incontīnēt tu en empliras la plaie: en aiāt regard que icelle huile fort chaulde, vienne bien à toucher les bortz & paroits de la plaie. Car icelle huile appliquée en tele sorte, vient à corriger la malignité de la pouldre, appaise les douleurs, & engēdre une escarre point trop profonde, par laquelle le flux de sang est aresté: ceste huile se prepare ainsy.

Tu mettras en téps d'esté les fleurs de hipericō & de sambucus au soleil, en une fiole de voire, par l'espace de trois ou quatre iours, au bout desquels tu y adiousteras de l'huile d'oliue, la uée avec de l'eau bien douce: & à chascune liure d'huile tu mettras ij. onces de refina abietina: en apres tu le remettras au soleil, l'espace de vingt iours: & ces vingt iours passés, tu exprimeras bien fort icelles fleurs, & en mettras des nouuelles. Ceste huile icy est tresutile & singuliere en cest affaire, & pareillement à toutes plaies recentes, moien nant qu'elle soit mise tres chaulde: car elle reſtrait le flux de sang. Toutefois sy par cas d'auenture le chirurgien n'auoit aupres de soy de celle huile, en lieu d'icelle tu prédras de l'huile de hipericon cōmun, ou de sambuc: cōme en usant & l'applicant cōme de la dessusdicte. En cest affaire pareillement est fort ppre l'huile de semēce de lin, appliqué cōme dict est. Mais à l'environ de la plaie, & principalement vers la partie superieure, tu useras de medicaments repercuſsifs: car ils deffendēt la defluxion des humeurs, & sy confortent la partie, en refrenant & corigeant l'intemperie chaulde. Et sy la plaie est penetrée, comme en la cuisse, brach, ou iambe, au premier appareil tu prendras ung instrument en forme d'esguille, soit du fer, ou du plomb, ou d'argent, lequel

La composition
de huile
de hipericon.

Nota.

tu mettras à trauers de la plaie: mais en la partie postérieure d'iceluy instrumēt, doibt estre un trou, auquel tu mettras ung plumaceau rond, lequel sera enbeueuré de l'huile bouillante prédite, en le tirant incontinent: mais tu delaisseras ledict plumaceau à trauers de la plaie. Et lende main tu viendras coudre un aultre semblable plumaceau, à cestuy premier lequel est à trauers de la plaie: en le retirant pour y mettre ung aultre, lequel sera oinct, de quelque huile, ou unguēt quy te semblera estre ppre: aulcū en lieu de plumaceaus usent de cordelles de lin douces, que no^r appellons setons: mais no^r laouōs d'aduātage une cordelle, laquelle est enuironnée de lin, à fin qu'elle puisse mieuls toucher les paroits de la plaie. Et sçache que iceuls remēdes sont plus utiles, que les cautères actuels, ou potentiels: car ils blessent moins les parties nerueuses, & ne causent point grand douleur, & font une escaire plus molle, que les dessusdicts cautères. Sy la plaie est faicte en quelque membre extérieur, comme brach, iambe, ou cuisse: lors tu prendras de la resine abiētine biē clere, qu'on appelle terebentine de Venise, en portio equale à vostre huile de hipericō, & les mesleras ensemble. Et estants bien boullantes, tu temperas ung plumaceau, lequel mettras dedens la plaie: car les plaies des parties nerueuses, se

Setons.

delectent & appétent forts médicaments, quy
soint actuellement fort chaulds. Pareillement
tu doibs appliquer tes médicaments repercus
sifs, faicts de grains de mirtilles, roses, bolus ar
menus, & le blancq d'ung œuf, & ung peu de
vinaigre. Au p̄mier iour pareillemēt, nous deb
uons faire phlebothomie, sy quelq̄ aultre chose
ne no^r empesche, à fin de destourber & retirer
les humeurs, quy defluēt en la partie lesée. Phlebo-
thomiē.
Doncques sy la plaie est au col, en la face, ou
en l'espaule, nous ouurirons la chephalicque
de la partie mesme: mais nous debuons tant
seulement tirer aultant de sang, comme l'eage
& force du patient le requierent: en considérāt
aussy la saison de l'année. Et quand le brach, ou
costé est blessé, tu ouuriras la veine, nommée
vena poplitis, quy est dessoubs le genoul, ou de
la cheuille du mesme costé, ou sy la cuisse ou
la iâbe est naurée, tu ouuriras la basilicque du
costé mesme: en applicquant beaucoup de ven
teuses en l'aultre cuisse. Et telles reuulsiōs deu
ement faictes, deffendent les apostumes & des
fluxions contre nature: appaisent les douleurs,
& empeschent pareillement les spasmes, que
nous appellons conuulsions. Pareillement
le prudent chirurgien doibt tousiours sollici
ter de exhiber choses propres & idones, telles,
qu'elles pouissent resister & contrariē à la ma

lignité du venin. Et pour ceste intétion tu trou
ueras la pouldre des escreuices des riuieres fort
utile: laquelle tu prepareras ainſy:

Pouldre
d'escre
uices.

Tu mettras des escreuices en quantité raisonna
ble, en ung vaisseau de terre, ou d'arain, & icel
les à petit feu tu seicheras, ou tu les mettras
en quelque four, puis apres les estamperas bien
subtilemēt, & avecq icelle quand besoing sera,
tu adiousteras la quatriesme partie de cornu
cerui uſti: d'icelle pouldre tu en mesleras une
louchie, avec la decoctiō de betoine, pipenelle,
& agrimonia: & sy tu ne as les dessusdictes her
bes, tu mesleras tes pouldres avecques du suc
cre, ou du sirop de capille veneris. Aussi est
bien utile en ce cas, & pareilleillemēt en toutes

Potiō pe
ctoreale.

plaies penetrātes de la poictrine nostre potiō,
de laquelle usons ordinairement, & se compo
se ainſy: Prends les fœulles de hipericon, de
betoine, de scabieuse, pinpenelle, eupatorij, que
on appelle ordinairement agrimonia, & de ab
sinthium Romanum mellifoliū, piloselle, ori
ganū, arnoglossa, cauda equina, du vray came
pitheos, qu'ō appelle yna arthetica, matricaria,
des summités des fœulles de rouges choulis, de
chascun une poignée: de la racine de chicorée,
de ungula caballina, filicis, symphiti, oxilapa
thy, de chascun une demiē poignée: vous les
boullerez, en deuē quantité d'eaue, iusque à ce

que la moitié de l'eau soit consummée : en la fin tu adiouteras du sucre bien blanc, aultant comme il vous semblera bon ; & d'icelle decoction, tu en doneras à ton patient deus voirées le iour, tiede. Et sy par cas d'aduétude tu ne pouois recouurer de toutes les herbes & racines dessusdictes, tu en prendras le plus que tu pouras en faisant comme dict est, le scay bien qu'il est assez cōmū aux Allemans de user de ces manieres de potiōs, d'ont en ont grand hōneur, Nota. Mais quant à ce qu'ilz vienēt à mettre du lard à trauers de la plaie, quant aux plaies carneuses d'autāt qu'il est ũctueux il viēt à accelerer la supuration, mais d'autāt qu'il est fallé, il nuist aux parties nerueuses. Mais icelluy nocument ne leuls est fort grief, à cause qu'ils ont leurs corps durs & robustes. Car à semblables corps est requis d'appliquer medicamēs durs & robustes. Apres auoir decentemēt applicqué ces dessusdictz remēdes, il est necessaire que l'escarre causée de l'huile bouillante, laquelle est adherente aux pties cōtuses, doibt estre ostée avecq la çair contuse par medicamens quy engendrēt pus. Et pour ce faire est fort conuenable le remēde ensuiuant, lequel est composé d'huile de semēce de lin, avecq grasse de porc non fallé, & de moieu d'oeuf equalles parties. A ceste intentiō est aussy fort propre & utile de adiouter du

D.

beurre sās sel meslé aueq le muscillage de la raci
 ce de althea, ou de la semence de lin, & se fault
 qu'iceulx medicamēs de toutes pars soient atou
 chant la chair contuse. Et ne fera que fort bien
 faict par l'espace de quelques iours fomentier la
 plaie de laiēt chauld. Car la fomētation de laiēt
 vient à appaiser la douleur, & en sont les chairs
 cōtuses plus molles & préparées à suppūratio.
 Pareillement est fort utile de fomentier la plaie
 de la decoctiō de maulue, bethoine, & scabieu
 se, en mettāt sur la plaie ung emplastre tele que
 on est accoustumē d'appliquer aux plaies recē
 tes & nouuelles. Comme icelle quy est compo
 sée de resine de sapi, de cire, de beurre & huile:
 ou d'iceluy, duquel nous traicterons en la fin
 de ce petit traictē, lequel auons souuent esproū
 uē: & lors que l'escharre & la chair contuse se
 ront ostées par le moien d'iceulx medicamens,
 à lors nous fault garder de user de medicamēs
 suppūratifz, que les Grecz appellent pyopæa.
 Car sy nous usons d'auātage d'iceulx, nous fe
 rions l'ulcere fordide, phlegmoneuse, putride,
 & puante. Parquoy sera plus cōuenable à lors
 de user de medicamēs deterfisfz. Mais sy la plaie
 n'est guere profonde, tu ne useras de fort grā
 de absterfion: mais de tele qualité comme le me
 dicament quy s'esuit: lequel est faict, de une par
 tie de resine abiētine, cadmie elote, que nous

Nota.

appelions lapis calaminaris, demie partie: mirrhe la quatriesme partie: en adioustant autant de farine d'orge, comme il sera cōuenable pour former ung unguët. Et sy vous le volez auoir plus liquide, vous y adiousterez une portion d'huile de hipericon simple. Et de c'estui unguët, tu en oindras les plumaceaux, lesquelz tu mettras dedens la plaie. Mais si la plaie estoit fort profonde, ou qu'il y eust quelque partie organique penetrée, lors tu useras de medica: mens de plus grande absterfiō, comme des remèdes quy s'ensuiuent: d'ont le premier se faict de resine abiëtine clere une partie, mirrhe quatriesme partie, & de miel crud liquide, autant qu'il te semblera bon, pour la forme de le unguent. Et se il te est requis de le auoir plus molle, avecq les simples dessusdicts tu adiousteras du ius de aloine extraict avecq du vin blanc, autant qu'il te semblera bon. L'autre deterfif duquel auons usé souuent aux plaies profondes, & sinueuses, avecq grandé utilite des patiens, est faict du ius de climenū, duquel tu prendras demy libure clarifié. Les François appellēt icelle herbe figea, à cause qu'elle est fort propre aux plaies du siege: & les nostres l'appellēt saponaria. Io. Ruellius, ensuiuant de Vigo, le nomme aussy climenū: on l'appelle aussy aulcunesfois *ωτοαμωγείτο*, à cause que, ordinairement elle

se troeuue aupres des riuieres . Parquoy avec
 ques icelluy ius tu adiousteras deux onces de
 resine abiëtine clere , de mirrhe demie once ,
 de miel bien cler une once , tu boulleras tous
 ces simples ensamble, puis tu les couleras, & in
 continét tous chauld en mettras dedés la plaie .
 Vn autre lequel mundifie les plaies sinueuses,
 Prenez, climeni, betonice, parties equales, les
 quelles tu arrouseras de vin blanc subtil, en pre
 nât une demie libure de ius, auquel tu adiouste
 ras une demie once de bonne mirrhe , & une
 once de bon miel , lesquelz tu boulleras ung
 peu sur ung petit feu, apres tu les couleras: & di
 celle colature tu en iecteras dedens la sinuosi
 té de la plaie. A icesuy mundificatif nous y a
 uons aulcunefois adiousté de l'egiptiac, de lo
 de Vigo & aussy de sa pouldre de mercure se
 lon qu'il nous sembloit que la chose la requer
 roit. Apres que tu auras cognceu que la plaie
 sera mundifiée, il te fauldra user de medicamés
 sarcotiques: c'est à dire generatifz de çair. Car
 il est requis, apres que la plaie est mundifiée, de
 la remplir de çair. Laquelle chose tu poras ac
 cōplir, par le remède quy s'ensuit. Prenez trois
 onces de grasse de porc non sallée, & en eue
 de plantain bien lauée: une once de lapis cala
 minaris aussy lauée, de olibanum demie once,
 tuthie preparate deux dragmes: & aussy pren

Mundifi
 catif.

Vnguet
 sarcoti
 que.

dras de la resine abiëtine, autant qu'il te semblera estre suffisant lauée en eaue de plâtain, pour former ung unguent mollet, & aussy tu fomenteras la partie blessée de la decoction de clime-num, hipericon, agrimonia, betonica & de plâtain, faicte aueq vin cler & eaue egale portion. Apres tu mettras sur la plaie le remède de quy s'en suit, lequel est faict de resine abiëtine bonne & clere, lauée en eaue de plantain deux onces, de miel rosat une onche & demie: de mirrhe sarcocolle chascune demie once: lapidis calaminaris lauée en eaue de morelle une once & demie: d'huile rosat autant qu'il est conuenable pour la forme d'un unguent mollet. Du dessus nommé tu abeuureras tes plumaceaux, lesquelz tu mettras dedens la plaie par forme d'éplastre. Et parce moié tu viédras petit à petit réplir ta plaie laquelle estoit profonde, & sinueuse. Amy lecteur considère diligemment de combien de sorte de medicamens nous auons changé, des le commencement, de la curation de ceste maladie, pour poursuiuir une chascune intention. Et que impossible est de sçauoir du tout exactement, & absolument traicter de la curation de une maladie: mais qu'il est necessaire de auoir une bõne grande cõiecture artificiële: & d'ũ bon iugement, deuant que de sçauoir changer les remèdes selon que les maladies le requie-

Nota.

rét. Car d'autât que la plaie est plus finuëuse & profonde, d'autant requiert elle medicamens plus absterifs. Parquoy nō sans cause sont les empiricques vituperés, & reprouués des doctes. Car ils voeulent par ung seul remede guerir toutes plaies. Et à fin que ie t'enseigne comment l'empirique ne pœult rien traicter en l'art comme il appartient, ie te racompteray ung exemple digne destre noté. Quand i'estoy deuant Terrouâne, lors qu'elle estoit assiegée des Bourguignons, par cas d'auenture aduint que quelque gros personnage de Douäy fut blessé au col d'un traict à pouldre: icelluy traict auoit penetré les muscles posterieurs du col, & estoit fortý par la partie inferieure de la mandibule. Icestuy personnage estoit sollicité de ung viel lart empirique, quy estoit aux gages de monsieur, monsieur le cōte de Bure. Des le commencement il vint à mettre cordeaux de lin doux, lequel estoit oinct de unguent apostolorum, & à l'entour de la plaie uisoit de medicamens re percussifs. Les iours ensuiuās, lors que la plaie fut nettoïée des chairs contuses & meurdries, elle rendist matiere loable, & par l'espace d'aucuns iours ny eubt apparéce d'aucuns accidés. Mais apers que la plaie fut mundifiée, trois semaines apres des le premier appareil, riens ne fut changé ne permué, disions souuent & priions

Exēple.

audiēt empirique qu'il volsist changer ses medicamens selon que la maladie le requeroit: ce qu'il ne volut faire, mes volut tousiours user de son mesme unguent, par quoy la plaie par succession de temps se est rendue finueuse, & le patient estant retourné en sa maison, la plaie se vint à maligner: & ainsi ce poure personage morut: & est certain que sy le viellard empirique eubt volu changer ses medicamens comme ie luy prioy de faire, il eubt facilement paruenue à sa fin pretendue. Parquoy on debueroit considerer ce quy suruient des choses que iceulx empiriques font. Icelluy exemple auons volu mettre & declarer, à fin que plusieurs chirurgiens peu exercités en l'art, se voeulent appliquer à estudier, pour auoir plus grande cognoissance de la methode. A lors doncq que la plaie par loeuure de nature & aide des medicamens scarotiques sera réplie, il sera besoig de user de medicamens epulotiques que les practiciens appellent cicatrisatifz comme est cestuy quy s'esuit. Medicamēt epulotique.

Prenez les foeulles de ligustrum, rubus, agrimonja, & de plantain: & les boulez en vin rouge, iusques ad ce que la moitie soit consummée: & de ceste decoctiō, tu fometeras la plaie. Apres tu le seicheras d'ung linge, en mettant apres dessus la plaie de la chaulx bien lauée, & puluerisée, les os pareillemēt des iâbes de mou.

ton bruslé & mis en pouldre, & lapis calami-
naris bien lauée, sont cicatrisatifs: & aussy est alu-
mé bruslé, lequel oste aussy la çair superflue. Il
reste maintenant que nous commençons à par-
ler des affections contre nature, lesquelles auôs
en la premiere partie appellé accidens ou acces-
soires. Nous traicterôs doncques premieremēt
du flux de sang. Or comme ainsy soit que du
tout impossible est de coudre la plaie de la vei-
ne ou de l'artère, il nous cōuiendra faire reuul-
sion en tele sorte comme il at esté dict en la pri-
miere partie de ce traicté. La reuulsion faicte,
il fault du tout diligenter de estoupper l'orifi-
ce du vaisseau, ou par l'application des medi-
camens emplastiques, lesquels de leur qualité
viennent à ioindre les parties separées & desio-
ctes, & d'iceulx medicamens le meilleur & de
plus grand efficace est de Galeën au cinquies-
me de la methode, lequel reçoit deux parties
d'encens, & une partie d'aloës: & que tous deux
soint bien puluerisés, & à lors que occasion se
adonnera de en user, tu adiousteras autant de
blanc d'œuf qu'il sera besoing pour les reduire
en forme ou spissitude de miel: lequel tu applic-
queras sur des poilz de liepures quy te servirôt
en lieu de plumaceaux, lesquels tu mettras sur
toute la plaie en assez bonne quantité. Et bien
souuent en lieu d'encens, Galeën a usé de māna

Flux de
sang.

thuris, quy est l'escorche d'encensles: meilleurs
poilz de liepure & les plus doux sont ceulx
quy sont arrachéz es aïnes du liepure: aucuns
empiriques meslent iceulx poilz menus coup :
pès dedens le medicament, point entendans
que le poil sert seulemēt de plumaceaux. Et en
faulte du medicament predict, nous auons sou
uent usé de cestuy quy s'ensuit : Prenez san
guis draconis, mirrhe en pouldre, masticq ana
une ptie, de farine de febues deux parties, tout
soit bien puluerisé ensemble, & lors que vous
en voudrés user meslez le avecques le blanc de
ung œuf, tant que tout soit de bōne espesseur,
& soit mis & estédu sur des poils de liepure en
lieu de plumaceaux, la laine quy tumble ius d'ũ
peuplier, est aussy fort singuliere & de plu
sieurs fort esprouuée en cest affaire : audessus
de la plaie tu mettras ung emplastre astringet,
cōme cestuy lequel est faict de farine de febues,
bolus armenus & encens, en menant tout à bō
ne espesseur avec le blanc d'ung œuf. Iceulx
debuoirs deuement accomplis, tu useras de bō
ne ligature, laquelle doibt encommencer à la
partie inferieure, & terminer vers la fontai
ne & source du lieu. Et quand icelle ligature
ne se pœult faire cōme au col & aux tuniques
du cerueau, à lors il est question de le restrain
dre d'aulture moien. Et pour l'amour des bons

estudiâs & practiciés & des malades, ie racom-
pteray quelq̃ pratique digne d'estre notée, la
quelle cy apres pora prouffiter à plusieurs.

Nota.

Lors que ielisoÿ à Arras aux compaignons
chirurgiens, aduint que l'hoste de saint Iulian
sur le marché d'Arras, fut blessé au col, de tele
forte que la veine spagitis (que aultrement les
practiciés appellent iugulaire dextre) fut à de-
my coupée, ensamble avecq l'artere, Des le com-
mencement plusieurs & diuers remedes y fu-
rent appliqués comme la chose quy estoit fort
urgente le requeroit : mais par nulz moïens &
remédes que les chirurgiens y feissent, de la pre-
miere sepmaine, le sang ne se pouoit nullement
restraindre, mais d'heure en heure tousiours se
reprenoit au saigner, ce voïad on appella trois
medicins, & quatre chirurgiens, par le conseil
desquels il fut dict de appliquer le medicamēt
desusdict ordonné par Galée, moiénant que
l'ung des chirurgiens fut tousiours present, à
fin de bié doucement tenir ledict medicamēt
de son doigt sur la ptie, ce quy fut fait, & par
ce moïen restrainct le flux de sang avecq grâde
honneur des medecins & chirurgiens, en pre-
seruât aussy le patient de mort, en moins de six
iours: de la mesme maniere usons nous quand
la grande veine quy passe au milieu de la cuisse
est couppee. Voila comment par ce moïen icy

escript, & aussy par deuë situation de la partie, plusieurs ont esté preserués de mort, lesquels ne eussent aultremét pœu eschapper de mort. Quand tu voiras doncques aucuns grands vaisseaux estre rompus & blessés, tu y doibz rendre grand peine comme cy dessus est demonstré, & tu en preserueras plusieurs de mort. Toutefois il est à noter que les dessus nommés medicamés sont plus utiles aux plaies recêtes, que vielles & putrides, car quād il y a pourriture en la plaie, il vault mieulx user de escharotiques, & entre tous le vitriol brusté est le plus singulier, & pareillemét la lie ou feces, quy se troeue au fond du vaisseau, lors que lon a faict la pouldre que lon appelle precipitat⁹. Au surplus, sy l'artere est rompue, de tele sorte, que le sang ne se puist restraindre par nuls medicamés locaux, à lors il est du tout requis & necessaire de trécher l'artere à trauers, avecq ung instrument à ce propre, car incontinent apres, elle se retire dedés les parties charneuses, & le flux se vient à arrester: d'auantage il est besoing de ordonner ung regime de viure quy pœult espessir & engrosser le sang, à fin qu'il ne soit sy subtil & fluide. Par quoy le patient doibt manger orge cuit aueq du ris: il doibt pareillement manger des potages faicts de laictuës, surelles, porcelaine, & autres semblables: doibt user aussy de la chair de

Incision
de l'arte
re.

veau, de pied de mouton ou de bœuf, avecq du verd ius, ou du ius de furelle. En temps d'esté, il doibt user de la pulpe de pomes d'orége, avecq du sucre, & de l'eau rose, entre le dîner & le soupper il boiue de l'eau avecq du sirop de pomes de coing ou violat, ou de aigreté ou acceteux: le pauement ou le planchier de la châtre, ou le patient est, soit couuert de fœulles de vignes, ou de faulx, ou arrousé d'eau froide. Il doibt cuiten toutes grandes motions, & parturbation. desperit, & demeurer à repos. Il y a plusieurs autres remèdes mis par escript, & ordonnés par les docteurs pour restraindre le flux de sang, mais nous auons voulu icy, tant seulement mettre iceulx, desquels tu peus user avecq honneur & grâde utilité des patients. Or en poursuivant nostre matiere venons maintenant à

Spasme.

traicter de spasme, ou conuulsion. Quand la plaie sera en partie nerueuse, incontînet & des le premier iour tu doibs regarder & obuiër que la conuulsion ne suruiene. Sy la plaie doncq est au pied, ou au genoul, tu doibs appliquer sur les aînes ce medicament quy s'ensuit: tu prendras de la grasse de regnart & de la moille de cerf, de chascune deux onces: de lapdanum, stirax calamite, & des vers de terre puluerisés de chascune une dragme: stirach liquide castorei, de chascune demy dragme: avecq ung petit de

cire. Le tout soit reduict à l'espeſſeur de miel, de
quoy les aiſnes & les parties à l'enuiron de los
ſacrum ſoient bien oinctes, en appliquant au-
deſſus de la laine chaulde. Ceſt unguent icy
n'eſt point ſeulement bon aux conuulſions &
ſpaſmes, mais auſſy lors que les parties commē-
cent à ſe retraire & entrer en ſpaſme. Le remede
quy ſ'enſuit à pareillement ſemblable vertu.
Vous prendrés huille vulpin, de anet, & de lô-
bric, de chaſcune une once: macis benzoy, ſtira-
cis calamite, de chaſcū une dragme, croci la troi-
ſieſme partie de une dragme, cere autāt qu'il en
fault pour la forme d'ung liniment. Mais lors
que la plaie ſera au brach, ou en la mai, tu appli-
queras, les deſſusdicts medicamēs aux aiſſelles
en oindant pareillemēt les ſpōdilles du col, &
du dos. Et ſy tu ne as pas aupres de toy iceulx
medicamēs tu oingdras la nuque & les aultres
parties comme dict eſt, avecq de l'huille de vers
de terre, en quelle tu auras adiouſté ung petit
de ſaffran ou de ſtirax calamite, ou avecque no-
ſtre huille de hipericon faiſte avecq de la reſine
abiētine. Sy le patient eſtoit riche, l'ors que la
conuulſion commencē, il ſeroit fort utile de fai-
re ung baing d'huille d'oliue ou d'huille de na-
uette, ou de ſemēce de lin. Le baing doit eſtre
moienmant chauld, mais la plaie ne doit eſtre
nullement touchēe de l'huille, ſy poſſible eſt,

& y soit enuiron demie heure, s'il samble au chirurgien estre conuenable. Et ce suffira pour la deffense & precaution de la conuulsion, & aussy de la curation, lors que elle commencera. Maintenant venons à la sedatiō des douleurs.

S'il ya doncques grande douleur compliquée avec la plaie, laquelle sy elle prouient de quelque intemperature chaulde, tu fomenteras la pte affligée de ius de violaria, de morelle ou de plâtain: & sy la plaie est orde & chaulde, & qu'il y ait encore de la chair contuse, la fomentation de eaue chaulde est fort conuenable. Mais sy la douleur procede de quelque humeur acre, lors sera meilleur basser la partie de laiēt chauld, & mettre le unguent quy s'ensuit dedens la plaie, lequel est sedatif de douleur. Prenez farine de fourment bien blanche une once, farine de fèves demie once: encens puluerisé, pierre calaminaris lauée, d'eaue de plantain de chacune une dragme: le iaulne de ung œuf, de saffrā la tierce partie d'une dragme: de l'huile rosat autant qu'il sera requis pour faire ung unguēt mollet: d'icelluy unguent tu useras sur les plumaceaux & en feras ton emplastre. Pareillement la decoctiō de betonia faicte en eaue & vin equale portion, appaise fort les douleurs. Mais sy l'attritiō ou ruption des nerfs estoit cause de la grande douleur, il sera trefbon de le couper, car ce fai

Sedatiō
des do
leurs.

fant tu appaîseras la douleur, en ostant pareille-
 ment le peril & d'anger de spasme quy pouoit
 suruenir. Defaillement de cœur aduient bien
 souuent en ceste maladie, à cause des vapeurs
 mauuaises esleuées de la plaie, quy paruiennent
 iusques aux cœurs. A ceste affection sont fort
 propres & conuenables tous remedes, lesquels
 pœuent restaurer & conforter le cœur, com-
 me les fleurs de buglosse accoustrées & prepa-
 rées avecq du sucre, ou la semence de citrum
 préparée avecq du sucre, la pouldre pareille-
 mét des escreuices de riuieres brulées, est singu-
 lierement bonne. Et aussy cornu ceruinū bru-
 flé, & aussy du bon vin prins la quâtité de une
 culierée, la pulpe de la pomme d'orange, accou-
 strée avecq du sucre, eaue rosarū, & ius de su-
 relle. Pareillement pommes de grenades aceteu-
 ses sont conuenables. Mais sy par trop grande
 douleur le defaillemēt de cœur aduenoit, tu en-
 quetteras & cercheras la cause. Sy elle prouient
 de intéperature chaulde, tu aduîseras de l'oster
 par le moien dessusdict. Nous auons aussy dict
 comment on pœult oster & mitiguer l'acrimo-
 nie des humeurs: & cômēt il fault aulcune fois
 couper le nerf à trauers: car il vault mieulx
 laisser la partie debile & affollée, que de laisser
 morir le patient sans aide. S'il aduenoit aussy
 que le defaillement de cœur vint par le flux de

Defaille-
 ment du
 cœur.

sang, il fault restraindre ledict flux comme dict est, & puis bailler chose pour conforter le cœur, en epithimant autour du cœur de choses refrigerantes & conseruantes les vertus & forces du cœur, comme aueq cestuy quy s'ensuit: c'estascauoir aueq de lecau rose, & de surrelle, & ung peu de vi aigre, en adioustât de la poudre de grana tinctorum, & santali citrini, & aucuns grains de camfre: & cecy est fort singulier en esté, & se doibt appliquer autour de la région du cœur, tiede, aueq ung drap de scarlate. Sy d'auéture il faisoit froid, il fault adiouster une portion de maluisée, en ostant le camfre s'il te sembloit conuenable. Sy d'auéture il suruenoit fiebre agüe & forte, elle se doibt oster par bon régime & maniere de viure, & aussy remèdes à ce propres: & doibt en cest affaire le chirurgien appeller aueq soy ung medicin, & user du conseil d'icelluy. Et sy aucunes tumeurs y suruenoient, tu les gueriras comme te demonstre Galéné au second liure ad. Glauc. & es deux derniers liures de sa methode. Nous voions bien souuent aduenir en icelle affection des phlemones, & à lors au commencement sont fort utiles les fomentations resolutiues: comme la decoction faicte de betonica, agrimonia, climenum millefoliū, summitates brassicæ binpinelle, & sigillū Salomonis, laquelle appaise fort les do-

leurs, resoult les tumeurs, & mūdifie les plaies:
 & certes nous auons toujours trouué en figil
 lum Salomonis, une grande vertu pour resoul
 dre les tumeurs: & pareillement, si vous l'appli
 qués chaulde en une squinantie elle la resoult,
 & aussy elle est fort propre pour guerir les scia
 tiques. Mais sy la tumeur est aueq intemperatu
 re chaulde, tu adiousteras à la decoction prece
 dēte des fœulles de plâtain, autant qu'il te sem
 blera estre suffisant pour oster ceste chaleur. Et
 ne fault que aucuns practiciēs s'esmerueillent
 sy aux phlegmons, nous usons d'herbes chaul
 des: car bien souuent la fomentatiō de choses
 chaudes dissipe, & guerist l'intēperature chaul
 de. Aussy le cathaplasme faict des herbes predi
 ctes, en adioustant de la farine de fourment, ou
 d'orge, resoult & digère les phlegmons: & par
 accidens oste l'intemperature chaulde. Toutes
 fois il est bien requis en fomentāt: d'auoir bon
 iugement: c'est à sçauoir de fomēter iusques à
 ce, que ce quy est attiré par la chaleur de la fomē
 tatiō, se puisse euacuēr au dehors. Les tumeurs
 molles, & œdematodeuses: & flegmatiqs se po
 ront espartre & resouldre par le remède quy
 sensuit. Tu prendras les racines de brionia: &
 de figillum Salomonis: & les boulleras en lixi
 ue, ou aueq du petit vin: & toutes chaudes les
 enuelopperas en un linge: & le mettras sur la

Tumeur
 pituiteu
 se.

partie malade, & des deffudictes racines: en ad-
iouftât de la farine d'orge, & de fenugrec, tu fe-
ras un cathaplasme. Les Erisipelas, tu les gueri-
ras aueq refrigeratifs, comme morelle, plâtain,
poligonum, intibū, & folia mori, boullites en
eae, ou de leae distillée d'elles: en regardant
diligément, quand il fauldra cesser de ceste ap-
plication. La tumeur scirreufe, pour ce que
bié pæu souuent elle suruiet en ceste maladie,
nous ne en traicterons point, il nous suffira
pour l'utilité des chirurgiens & malades, auoir
seulement traicté de ce qu'il me à samblé estre
expedient à nostre matiere. Et ainsy ferons fin.
En remerciant & rendât graces au createur, au
quel soit honeur, & gloire perpetuële, Amen.

La seconde partië

DE CE PRESENT TRAI- cté, contenant la curation de la peste & dysenterie, aueq methode & raison.



ESTE. EST VN PHLE

gmone veneneux & contagieux, Diffini-
tiō de la
peste.
duquel sy le sang est adust ou inci-
neré, est faict anthrax, ou carbo, en
vulgaire charbon. Et á la peste ou

le charbon, le plus souuent aueq soy adioincte
la fiebure continuë, laquelle aulcunefois pre-
cède la peste, & le plus souuét viët apres icelle .

Les accidens communs quy aduiennent en ces-
te dangereuse maladie, sont vomissemēt causé
par la matiere veneneuse quy paruiet á lesto-
mach, pesanteur de teste, somne pesāt & turbu-
lēt par vapceurs mauuais & veneneus, quy mō-
tent au cerueau: aussy aduient palpitation ou
tremblement de cœur, par iceulx vapceurs cor-
rumpus, quy paruiēent au cœur, & est ce bat-
tement ou palpitation ung mouuement insi-
gne de la vertu expulsīue, quy s'efforce de ex-
pellir ce quy luy est cōtraire. Et diffère la peste

La caū-
se de la
peste.

á ung aultre phlegmone, en ce que le sang quy
est deferé hors des vaisseaux, tient la nature du
venin. Et en ce lieu nous appellōs venin ce quy
de sa propre substāce est corruptif du corps hu-
main, ou par sa qualité intensé, comme est la sa-
liue d'ung chien enragé & des serpens, & le ius
de napellus, cicuta, & aultres: combien que les
choses quy sont venin de toute leur substance,

Qu'est
venin.

ne corrompent point le corps, sinō qu'en alte

Cōment
la fieb-
ure pesti-
lētiale
differe
des aul-
tres.

rant les esperits, humeurs, & parties solides: & est nommé venin à vena, quòd per venas facile fese insinuet. Et aussy differe la fiebure pestilentielle, des aultres fiebures putrides, que la cause interne, soit sang ou aultre humeur, à des lors prins la nature de venin, par la quelle elle altère & muë le corps fort soubitemēt. Et est ceste maladie contagiëuse, à raison que l'humeur putride estant au corps, gecte ses vapeurs infects, en l'air circunuoisin, & le gaste & infecte: & lors que l'air infecté est attiré par quelcun, il corrompt & infecte les esperits, & les humeurs, les quels il trouue pl^r prompts à recevoir putrefaction. Et ne se fault dōner de merueille, sy l'air quy est subtil, aiant nature veneneuse, corrompt soubit les esprits & humeurs du corps passible, tout ainsy que une petite scintille de feu allume soubit la paille & le bois sec: & en tel cas, on doibt admirer la sagacité de nature, laquelle de toute sa puissance, lors que elle sent les esperits & humeurs corrompus, faiēt son debuoir d'expellir iceulx le pl^r loing qu'elle pœult, des pties principales dont d'iceulx sont engédrés le phlegmone & les anthrax ou charbōs, lesquels ont pour leurs accidens propres, tumeur, rougeur, douleur aueq renitence au tact: & à le phlegmone veneneux ses differences, comme les aultres apostèmes, de l'humeur predominant, & com:

pliqué avec le sang. Et la curation du phlegme
 ne contagieux, à une commune indicatio, com
 me ont les autres, cest asçavoir, euacuation de
 la matiere contenuë en la partie affligée, & la di
 uersité d'icelle euacuatio doit estre changée,
 selon la diuersité des particules patientes. Et la
 dicte euacuatio, quāt est en soy, pœult aussy biē
 estre cause de grād mal cōme de grād biē: car il
 est certain que cest une cōmune indicatio que
 de euacuër en tel cas: mais par quelle partie &
 comment, la partie affligée l'enseigne, & sur ce:
 ste indication errent grandement ceulx qui
 sont pœu exercités en l'art de medicine, ou de
 chirurgie, à cause qu'ils pensent que telle reuul
 sio doit estre faicte au phlegmone veneneux,
 cōme à celuy qui n'est point veneneux: & or
 dinairement aduient que celuy qui est touché
 de la peste, enuoiē querir le chirurgien pour es
 tre saigné, aiant grand espoir que la phleboto
 mie luy est utile: mais le patiēt & le chirurgien
 indocte ignorent que la phlebotomie mal fai
 cte & sans iugement, est cause de la mort du pa
 tient: & que sy ladicte phlebotomie est bien fai
 cte & comme il appartient, elle est cause de la
 santé d'iceluy. Exemple. Sy un phlegmone
 non veneneux a occupé les partiēs des ainsnes
 ou des hāches, cest bonne & louable reuulsio,
 de ouurir la basilique du bras du costé affligé,

Curatio
 methodi
 que.

Indica
 tio prin
 se de la
 partie le
 see.

Exēpte.

Indica-
tio à na-
tura
morbi.

mais en la pestilente condition, telle reuulsiõ est fort nuisible: mais en ce cas fault ouurir la sa-
phene vers le genoul, ou vers le pied de la ptie
lesée, laquelle correspõd directement à la partie
affligée, & tire le sang & aultres humeurs vene-
neux arriere des parties nobles, & ceste indica-
tion est prinse de la nature & cõdition de la ma-
ladie. Et de ceste phlebotomie nous en plerõs
plus amplement en la partie sequente, quy trai-
cte de la practique ou partie operatiue.

DES PROGNOSTIQUES DE ceste maladië,

Q VAND ANCIENNEMENT
ceste maladie contagieuse regnoit, le
commun pœuple pësoit que elle auoit
esté enuoiée diuinemët, pour punir les pechës
des homes vicieux, comme appert par ce que
escript Homère, en sõ premier liure des Iliades,
quy refere cõmët la peste quy aduît au cãp des
Grecs, puenoit à cause que Apollo estoit cour-
roucé de l'offence que auoit faict Agamemnõ
en rauissant & tenât par force la belle Chriseis.
fille du grand prestre d'iceluy nõmé Chrises,
Et de tel cas pouons prendre exemple, en l'an-
cien testament de l'offence du roy Dauid, par
laquelle fut immise la peste en Iudée, sus les sub

Home-
rus,

ieets d'iceluy : & de ce n'en fault faire doubte : car ce monde inferieur est perpetuelement dirigé par la puissance diuine, laquelle conduict toute chose, & punit diuersemēt ceulx qui ne vœullent delaisser leur viē peruerse & inique. Mais Hippocrates nostre bon pere, lequel a semé la bonne semence de vraiē doctrine, a mis les premiers fondamens de la medicine, laquelle semence a esté cultiuée diligemment par grand iugement & labeur continuēl, par Galēne homme absoult en toute bonne doctrine, lequel a illustré : & mis en grand honeur le escript d'icelluy, & d'auantage a posé & mis aueq vraie raison, la vraie cōstitution de l'art de medicine, & apres a poursuiui aueq grand zeile du prouffit public, la medicine, pour la conduire à pfection, non seulemēt par la pte theoriq, mais aussy par la partie operatiue. Hippocrates & Galēne ont escript & parlé de la cause des maladies: nō secōd qu'elles sont enuoyées de dieu, ains secōd qu'elles pcedent naturelement par causes naturelles, &c. Ilz cognoisçoient le corps hamain estre subiect à diuerses alterations, & que necessairement nous fault attirer l'air tel qu'il est, & quād il est corūpu, il corrupt les esperits: puis le sang, & consequētement les autres humeurs, dont s'ensuit la fiebure cōtinuē, les phlegmones & anthracs, ou charbōs, & en

Diuine
prouidē
ce.

Cōstitu
tion de
l'art de
medici
ne.

Nocu
mens de
l'air cor
rumpu.

ceste dāgereuse maladie, il en meurēt plus, qu'il
n'en reschappe. Et de ceste chose rend bonne
raison Hippocrates en son premier liure des E-
pidemies disant, Cruda vero & incocta atque
in malos abscessus conuersa, aut acrifias, aut
labores, aut diuturnitatem indicant. Et Galē
ne exposant ce passage dict. que tout ainsy que
les decoctions se font quand nature surmonte
les causes des maladies: quād icelle ne les pœut
surmōter, aduiēt le cōtraire: car la concoction
nous mōstre toutfiours bōne termination des
maladies par bōne crise, & bōne sequestration
des humeurs pechants. Mais en ce cas, bien peu
souuent apparoissent les signes de concoctiō
ou de vraie crise: car combien qu'il suruiē:
ne, vomissement de matiere corrompuē, prin-
cipalement de cholere, flux de sang par les
narinnes, suēurs & egestions fetides, iceulx
accidens ne sont point critiques: mais sympto-
matiques, ou accidentaires, nature non aiant la
puissance de faire la cōcoction, cōme elle voul-
droit bien, à cause de la malignité des humeurs
corruptus. Et quant le bubo pestilent, ou an-
thrax apparoist au corps humain deuāt quē la
fiebre, est meilleur signe, que quand la fie-
bre apparoist premier: car la vertu expulsi-
ue s'efforce de gēcter arriere des parties nobles
les humeurs corruptus, en les expulsant du cē

Causa
moris.

Accidēs
diuers.

Notu.

tre du corps, aux parties superficielles d'iceluy .
 Et en ce cas, les passions de l'ame aus timides: &
 craintifs, rendēt la maladie pernicieuse, & en i:
 ceulx les esperits vitaulx sont en brief tēps suf:
 foqs: mais ceulx quy prennent bon corage met
 tent ordre en leur maniere de viure, & ont fian
 ce aux bons remēdes & recourent à iceulx com
 me dict l'adage Grec, Περὶ ἰσχυρῶν ἀνθρώπων à
 l'ancre sacrée, par lesquels bien souuēt sont gar
 dés & conduicts à bōne santé. En ceste maladie Accelera
tion de
mort. quy est fort agüe & d'angereuse, ceulx quy doi
 buent morir viennent à terminer le plus sou
 uent deuant le septiesme iour, & plus to deuāt
 le quatriesme: ceulx quy paruiennent iusques
 au quatorziesme iour, la pl^r part eschappent le
 d'anger de la mort: ceulx ausquels suruiennent
 plusieurs taches rouges ou de couleur de pour
 pre, quasi tous meurēt en brief tēps, apres l'ap
 parence d'icelles: & en region chaulde en tēps
 d'esté en corps cholerique, ceste maladie est pl^r
 to terminée, que es dispositions contraires: &
 veritablement tous ceulx quy sont touchés
 de ceste maladie, doibuēt principalemēt auoir
 leur espoir à l'auteur de vie, par la mort duquel Retours
à dieu somnes tous viuifiés, & conduicts au lieu de
 vie perpetuelle, quy remet en santé les pources
 patiēs, quy ont ferme foy & bon espoir en luy.
 Auquel soit honneur & gloire à iames amē.

LA PROPHILACTIQUE

ou partie preseruatiue.

Prouer-
be com-
mun.

L'ho-
neur de
Hippo-
crates.

Pletho-
ra, caco-
chymia.

IL Y A VNG PROVERBE COM-
mun que on allégué souuent en condition
pestilente, lequel dict: Cito, longè, tardè. Et
côbié qu'il soit veritable, il contiét en soy plus
de terreur que de côseil, & sert plus à ceulx quy
sont en leur liberté & timides, que à ceuls quy
sont subiects: car le gendarme ne pœut abandô-
ner son camp, & le marchand ne voeult delaiss-
er sa marchandise & son bié: ausquels sera tres-
utile ceste partie preseruatiue, laquelle fist eri-
ger une image d'arain en l'hôneur de Hippo-
crates, par ceulx de Coô, à cause qu'il les auoit
deliuré du dâger de la peste. Dôcques à l'ayde
du createur: pour cômencer ceste partie, incôti-
nent que on voit que ceste maladie commence
à pulluler en quelque lieu, la premiere chose
que on doit faire, est qu'on doit considerer
sy on á le corps plethoric ou cacocheme, aiant
abondance d'humeurs, soit qu'ils soient bons
ou mauuais, à fin que on puist euacuer les hu-
meurs pechans en quantité ou en qualité: & en
ce cas on doit tousiours auoir recours aux me-
dicins doctes & bien exercités, à fin de auoir bô
conseil touchant l'euacuation d'iceulx: car la
medicaine donnée imprudentemét, seroit beau-

coup plus nuisible que utile:& pour ceste cause, les batteleurs, triacleurs, & vendeurs deau de vië, qu'y au grand detrimēt de la republique abusent iournelemēt le peuple, doibuent estre bānis & expulsēs des bonnes villes, à cause des abus commis par eulx: car ils sont cause de la mort des pources patiens, en l'eulx baillās choses veneneuses, pour choses utiles & cordiales: & en ce cas les gouuerneurs lieutenās & escheuīs des villes y doibuent donner ordre: aultremēt en rédront compte deuant dieu: & suis certain que l'usance d'eau de vië en esté, est fort suspecte, & qu'elle bruslé le sang d'une chaleur estrāge au foie: laquelle peult tellement corrompre les humeurs, que elle sera cause de la generatiō de la peste, de dysenterie, de lepre, & six cēs autres especes de maladies: parquoy telles pestes doiuent estre extirpées arrire du poeuple.

L'expulsion des
abuseurs

Nota,
L'usance
d'eau
de vië.

Quād à la raison du viure, elle doibt estre instituée au contraire de la corruption de l'air: & doibt estre de viandes de bon nourrissement, & facile concoction & conuersion, cōme sont, chapons, poulles, perdrix, leuraux, lappins, tourterelles, faisans, poulles de Inde, mouton, veau, cheureaux rotis, mangés avec les oranges, verduis, vinaigre avec un petit de canelle, ius de surelle: & en hyuer avec un petit de vin, avec lequel on aura mis ung petit de pouldre

Raison
de viure

La chair
utile.

Poissons
utiles.

de macis: & ung petit de sucre, les poissons les plus utiles sont brochets, perches, rochettes, gouuions, vendoises, truittes, solles, rougets merlés, vines, & limandes, & sont tous plus utiles rotis que boullis, & mangés en esté aueq le ius de orége, ou dozeille ou surelle: & en hyuer aueq muscade, canelle, macis & gingembre. On doibt euitier tous poissons limónceux: & de facile corruptiō, comme anguilles, plays, loches, harens, faulmons frais, & aussy tous poissons salés: on doibt user en potages souuent de cerfeul, persin, surelle, borage, buglosse, & mettre aueq le vin tremper de la pimprenelle. En téps d'hyuer est bō de mettre cuire aueq la chair organ, faulge, hisope, serpillum, que on nomme poulieul des champs, mariolainne, fœulles de laurier: en esté on mettra des laitues, de la chicorée domestiq nōmée scariole, de la patience, & de la pourcelaine. Le pain soit moié entre le bis & le blác, bien acoustré legier & ferméte moiénemét, cuiët du soir & mangé lédemain, apres qu'il sera paré, en ostant la partie aduste de la premiere crouste. Quant au boire fault cōsiderer la coustume, ceulx quy ont acoustumé de boire vin, en hyuer ils doibuent boire du bon vin modestemét: en esté doibuent boire du petit vi quy soit un petit stiptic ou verdelet, aueq de leauc, selon ce, que on á acoustumé: & lors

Herbes
utiles se-
lon le
temps,

Le pain.

soient delaisés tous vins doux & vis puissans.
Quât aux fruiçts il fault euitier tous fruiçts hu
inides & putrefactibles, côme sont concôbres,
pompons, melons, prunes, & cerises douces,
pesches, & mœures: & est bon de user de ceuls
quy sont acides, ou un petit aigres ou surs, con
me sont les cerises rouges & frances, les petits
damas, les pommes de malingnes, les grenades
non douces, comme sont mesa, & acida: les o
renges, & citrons en sallade, avecq eue rose, &
succres sont utiles: à la fin du repas, sont utiles
les poires cuiçtes, un petit succrées: & en temps
de peste n'est besoing de grâde diuersité de viâ
des: à cause que la multitude produict crudité
& abondance d'humeurs. Touchât de l'air ou
on demeure, il doibt estre sec, ou par soy ou
par artifice. Parquoy est utile de auoir feu de
bois sec & odoriferant, en esté au matin & au
soir: en tēps froid, toute la iournée. Et est tref
bon de mettre en la chambre sus un reschauf
foir du feu, sus lequel on doibt mettre quelque
perfum de bon odeur comme storax calamite,
bégoin, cloux de girofles, & ce du matin: & du
soir en hyuer & en esté, fault espdre roses, fœul
les, de cannes, de ioncs, de ulmaria, branches de
chesnes & de saulx. Quant aux remèdes pre
seruatifs, ceste ordonnance sequente en forme
de lozégnes ou tablettes, est fort utile tout le

Fruiçts
nuisans.

Fruiçts
utiles.

Conditions
de l'air.

Choses
de bon
odeur.

téps d'esté en usant d'icelles une du matin de
 uât māger deux ou trois heures . Accipias te-
 stæ cancrorū fluuialiū uisæ, cornu cerui uisti,
 margaritarum coralli rubei, seminis citri, rasu-
 ræ eboris, seminis acetosæ, fantali citrini, ana,
 partes equales: radicis angelicæ, octauam partē
 unius predictorum: sacchari in aqua rosarū
 dissoluti quantum satis est: formentur tabulæ
 ponderis unius dragmæ, quibus utendum ut
 dixim⁹. Et en téps froid, l'usage de l'electuaire
 sequēt est tres bon. Capiēs seminis ocimi, corti-
 cis citri, radicis zedoariæ, enulæ cāpanæ, cornu
 ceruini uisti, radicis tormētillæ, cinnamomi ele-
 cti, maceris partes æquales: radicis angelicæ ter-
 tiam partem unius prædictorum : sacchari in
 aqua melissæ dissoluti quantum satis est: forme-
 tur electuarium in tabulis ponderis dragmæ
 unius: de ces tablettes il suffit d'en prendre une
 du matin, comme est dict des aultres. Ces deux
 aydes sōt tresutiles & bié approuués, parquoy
 n'est besoing de multiplier plusieurs ordonnā-
 ces . Et quant on passe ou que lon demeure en
 quelque lieu suspect, est bon de tenir en la bou-
 che, du macis, ou de la racine de angelica, ou de
 zedoaria. Et ne fault oublier que les pillules de
 Ruffus sont tresbōnes pour preseruer de la pe-
 ste: & est la vraie description des pillules cōmu-
 nes usuales p tout, moiennant q̄ à la descriptiō

Electua.
 utile tē
 pore fri-
 gido.

d'icelles on adiousté du gomme hammoniac, à
 la quantité de la moitié de l'un des simples: au-
 trement ne sont point la vraie composition de
 Ruffus. Parquoy l'ordonnance soit en telle for-
 me: Capies croci, myrrhæ, aloës, ptesæquales:
 gummi hammoniæ partis unius prædictorū
 dimidiā: syropi acetositis citri, quantum satis
 est ad ea compræhendenda: fingantur catapo-
 tia, quibus utendum manè uno vel trib⁹, longè
 à pastu: ces pillules sont laouées, quasi de tous
 les anciē docteurs: parquoy on les doibt auoir
 en grand estime, comme un remède bien ap-
 prouuè: mais certes elles sont plus utiles en tēps
 froid ou moderé, qu'en tēps chauld. Et est cho-
 se fort utile en temps chauld, de user souuent
 des syrops, quy sont aceteux cōme est syropus
 de limonib⁹, de succo acetosæ, de acetositate ci-
 tri, de granatis acidis, & acetosi simplicis: & l'us-
 sance d'iceulx syrops doibt estre une culierée
 ou deux, loing du māger: & quād il faiēt fort
 chauld, est bon d'en mettre une culierée en un
 voirre deaue venant du puits, ou de la fontain-
 ne, & la boire ainsy froide. Oultre les aides
 dessusdicts, en la grace des pures gens quy de-
 sirent auoir secours present, & de petit pris,
 suis de aduis que en temps chauld ils usēt de bo-
 lus armenica, lauée en eaue rose, ou en ius d'o-
 renge, & sechée au soleil: & en temps froit, pren

Pilulæ
 Ruffi.

Nota de
 syropis
 acidis.

Pro pat-
 peribus.

Diateſſa
ron.

drôt pour pſeuatiftheriaque Δια τεσσάρων.
à la quelle auons adiousté la quarte partie d'ũ
des simples d'icelle, & sera la composition fort
bõne en ceste forme. Capies myrrhæ, gentianæ
baccharum lauri, aristolochiæ rotundæ partes
æquales: radicis angelicæ partem quartā unius
prædictorũ: mellis bulliti ex decoctione beto
nicæ, & bene despumati, quantum satis est: fiat
in forma opiate. Ceste cõfection est aussy fort
utile contre tout venin de bestes: & herbes ve
neneuses, & ne doibuent iamais les gens des vil
lages estre sans icelle: car souuent les cheuaults,
les bœufs & vaches, mangent choses veneneu
ses, dont viennent à morir: ausquels on doit dõ
ner d'iceile cõfectiõ aueq du vin chault, laquel
le gardera les bestes de morir à l'ayde du crea
teur, auquel soit honeur & gloire eternelemét.

Notādũ
pro ru
sticis.

LA CVRATION DE LA PE ſte, ou charbon.

INCONTINENT QVE QVEL
cun se sent touché de la peste, p̃mier se doibt
humilier enuers l'auteur de vie Iesuchrist, en
luy demandant pardon de ses offences, & re
querât humblement sa grace: puis doibt recou
rir aux aides utiles, & auõs trouué utile de user
au commencement de la decoction de cardo

benediſt, de racine de iarus, ou de ſa ſeméece, & Decoſtiō
utile au
commē-
cement.
 racine d'ariſtolochia rotunda, boullis en eauce
 aueq un petit de vin blanc, & en fault prendre
 un voirre tiede, puis ſoy faire couurir & ſuër:
 & ſy le patient le vomift, on doit reiterer ladi-
 cte potiō & de rechef ſoy faire ſuër: apres qu'il
 aura ſué, ſe doit faire eſſuër, puis prédre une cu-
 lierée de ſyrop de acetofitate citri, ou de limoni-
 bus, ou acetofi ſimplicis. Et ſy le patiēt eſt riche
 & qu'il puiſt recouurer de la bone licorne, il en
 fera limer & prédra de la pouldre, la quātité de
 dix ou douze grains de peſant, aueq une culiez-
 rée de ſyrop de roſes de prouins, & apres ſe
 doit garder de dormir: lors peu de tēps apres
 doit le patient prédre un cliſtère laxatif pour Cliſtere.
 attirer les excremens arriere, des parties nobles,
 & ſil ne luy eſt poſſible d'auoir le cliſtère, &
 qu'il ſoit dur de ventre, il prendra dragme &
 demie de bone reubarbe, aueq deux onces de
 ſyrop de infuſiō de roſes de prouins, & apres
 que la medicine aura fait ſon operation: fault
 faire phlebotomie en la forme quy ſ'enſuit. Nota de
phlebotō-
mie.
 Ceſt aſcauoir ſy le phlegmone, ou l'anthrax eſt
 aux emunctoires, du cœur deſſous les aſſelles,
 fault ouurir la baſilique du brach meſme ou
 eſt la peſte ou āthrax. Et ſy la peſte eſt aux emū-
 ctaires du foie quy ſont les aignes fault ouurir
 la ſaphēne, ou vena poplitis, du coſté meſme,

1309
316 1119
316 1119
316 1119

ou reside la peste. Et sy la peste, ou anthrax est es emũctaires du cerueau: au lieu de phleboto mie, fauldra appliquer plusieurs venteuses sus le col, & sus les espaulles: faisant scarificatiõ pro funde, & attirer bone quantitiẽ de sang, puis se ra besoing, que le patient se garde de dormir, le plus qu'il luy sera possible, au moins trois ou quatre heures, à fin que l'esperit vital ne soit suf foquẽ au cœ̃ur par vapeurs veneneux. Et sy l'ã thrax est à la face, feras pareillement: & sy l'an thrax occupe quelque partie de la poictrine, fault entamer la veine au brach, la pl^{re} correspo dente à la partie affligẽe: sil se mōstre au vẽtre inferieur, ou aux costẽs, ou aux fesses, on doit ouũrir la veine nommẽe vena poplitis, quy se mōstre au dessoubs du genoul, ou la saphẽne, & tousiours du costẽ de la partie ou est assise la peste ou l'anthrax: & fault tousiours tirer du sang moiennement, selon l'ẽage & la vertu du patient. Et sy le patiẽt ne pouuoit recouurer de chirurgien pour estre saignẽ, lors doit pren dre des cãtharides mises en pouldre, & les met tre sus emplastre faicte de leuain, & l'appliquer trois ou quatre doigts pl^{us} bas que n'est le phle gmone pestifereux ou l'anthrax, & tousiours en tirant arriere des parties nobles: doncques s'ils sont situẽs au aisselles fault appliquer ledict emplastre sus, la partie domestique du brach

Nota
sus l'ap
plicatiõ
des can
tharides

meisme, comme est dict : & filz sont situés aux
 aignes, tu doibs appliquer ledict emplastre sus
 la cuisse, à la partie domestique cōme est dict : &
 fils sont assis deffoubs les oreilles, est bō de l'ap-
 pliquer sus les muscles tirant vers la nuque . Et
 quand ledict emplastre aura faict sa vesication
 comme cinq ou six heures apres l'application,
 fauldra percer les vessies, & les laisser couler , &
 tenir le lieu ouuert, en mettant sus des fœulles
 de choulx . Et sy le patient est en lieu ou il ne
 pœult recouurer des cantharides, au lieu d'icel-
 les, il prendra de fœulles de elleborus niger, ou
 de batrachiō, laquelle porte des racines iaulnes
 par les iardis & par les prés (de laquelle les gros
 coquis & maraulds se fōt des plaies aux brachs
 & aux iambes) de l'une d'icelles herbes estam-
 pée, fera emplastre, & la mettra ainsy qu'il est
 dict des cantharides : & la laissera sus une nuit
 ou un iour, & lors y aura plaie, laquelle iectera
 de la matiere virulēte en abondance, en attirant
 icelle arriere des parties nobles. Et ces remēdes,
 tant de cantharides que desdictes herbes, sont
 aussy utiles à ceulx quy auront esté phleboto-
 mēs pour la cause dicte : & à cause que lesdictes
 herbes fōt ulcère doloireux, fauldra appliquer
 dessus unguent doulx, pour sēder la douleur, cō-
 me celuy quy est faict de une partie de gratia
 dei, & de album rasis camphoratum . Et dessus

Nota
 sus les re-
 medes ul-
 ceratifs.

Nota bene

le bubo pestilēt ou anthrax, on ne doit iamais
appliquer choses repercussiuēs, mais choses
quy doucement conduisent iceulx à maturation, aiant propriété de attirer la matiere veneneuse, cōme est emplastre faict de scabieuse, de surelle, racine de lis cuiets soubs la brese, aueq lesquels on adioustera le iaulne d'un œuf, & un petit de safran. De mesme effect est emplastre faict de seneçon, malues, racines de sigillum beatae Mariae cuietes comme dessus, & meslées aueq le iaulne d'un œuf, & beure sans sel, ou chraïsme doules, ausly est bon de faire fomentation aueq lesdictes herbes & racines: & apres que on aura fomenté, appliquer emplastre de diachilo magnum, remollit aueq mucilage de semense de fenugrec: & principalement appliqué sus les anthrax. On a trouuē souuēt grāde utilité, de prendre un coq, ou une poule, ou canart, ou un coulō, ausquels on ostoit les plumes d'environ le cul, puis on mettoit le cul d'iceulx sur la peste: par ce moien on attiroit la matiere veneneuse au dehors: iceulx animaux doivent estre enterrés soubit, à fin qu'ilz ne infectent l'air: ceulx quy les iectent par les rues sont dignes de cruelle mort: à cause, que les gēs sains sont infectés par iceulx: ausly fault faire guet sur aucuns meschans quy gectent par les rues, lige, bouquets, éplastres, & aultres choses

Nota cōtre les meschāns infē-
teurs.

infectées, & les punir comme homicides. Quât
à l'apostème pestilent, lors qu'on voit qu'il viét
à suppuration, ne fault point attendre la parfai
cte maturatiō: mais la fault ouurir un petit de
uant icelle, & lors qu'il sera ouuert on doit ap
pliquer quelque digestif, quy ait un petit de de
tersiō, comme celluy quy est faict de therebé
tine, le iaulne de l'œuf, & un petit de miel &
de farine d'orge: apres on pœult traicter ces ab
scès ou bubo pestilēt, ainsy que les aultres phle
gmones. Mais à cause que l'āthrax pestifereux
faict escarre ou crouste, sera utilē de appliquer
choses de grande attractiō, & leur faire bone
ouuerture, en appliquant au milieu d'iceulx
pouldre de cantharides, dissoulte aueq le miel,
& le iaulne d'un œuf, ou unguēt egyptiacum,
& par dessus emplastrum diachilon cum gom
mis, & pour faire tumber l'escarre induicte par
iceulx aides, on doit appliquer beure sans sel,
graisse d'oison, ou de chappō, ou quelque mu
cilage: puis fault mundifier le lieu aueq le mun
dicatif de appio Guidonis, aut Ioannis de Vi
go: apres la mundification quât au progres de
la curation, on pourra proceder comme aux
aultres phlegmones. Et en ce cas en tēps froid
est bon de faire feu de bois odoriferant, comme
laurier, genoiure, sapin, chesne, rosmarin, & fai
re fumigation de choses chaudes & odorifera

Nora
sus les
anthrax.

Fumée
odorife-
rente,

Pour odo-
rer.

Formu-
le odori-
ferente.

tes cōme de giroffles, storax calamite, benzoin, olibā: & en temps chauld, sera utile mettre en la chambre du patiēt des brāches de saulx, des roseaux, des ioncs, fœulles de vignes, ulmaria, & roses: & en tout tēps est bon le feu du soir & du matin. Et est prouffitable que le patiēt tiēne en temps chauld ou modoré un linge humecté en eau rose, aueq laquelle on aura mis un petit de vinaigre, & de bon vin, & un petit de pouldre de giroffles. En tēps froid, on prēdra du vin de bon odeur, aueq bone quantité de giroffles & de macis mis en pouldre: puis on humectera le linge dedēs lediēt vin, puis on le portera pour odorier souuent. L'usance de tenir en la main quelque pomme odoriferante est bien bone, cōme est l'ordonance sequēte. Capias pulueris chariophyllorum, benzoin, storacis calamitæ, maceris, rosarum, santali citrini partes æquales: ladani puri, unius prædictorum: duplum ponderis stiracis liquidæ decimam partē unius prædictorum: ex eis formula rotunda paretur quæ quouis tempore valde utilis erit omnibus, nisi in quibus cerebrum facile offenditur ab odori feris. Quand il fera chauld entre deux repas lors que le patient sera alteré, sera bon qu'il use de oranges ou de citrons, aueq le succe & l'eau rose ou de grenade mēse, ou acide. Et quād aux viandes & raison de viure le patiēt le doibt ob-

seruer ainſy que auons eſcript en la partie preſeruatīue. Et par tout le decours de la maladie, le patiēt pourra uſer de l'electuaire ſequēt en la forme q̄ ſ'enſuit. *Accipies cardi benediſti ſiccati, ſeminis citri, fragmentorum hiacinſi, pulueris teſtæ cancri fluuiialis, oſis de corde cerui, margaritarū, croci, maceris, cinnamomi ſelecti, raſuræ eboris, partes æquales: radicis imperatorix, ſiue angelicæ partē dimidiā uni^o prædictorum, ſaccari ex aqua bugloſſi diſſoluti quantū ſatis eſt: formetur electuarium in tabulis pōderis unius denarij,* le moien de uſer de ces tablettes eſt d'en prédre une du matin, deux ou trois heures deuant deſiuner, ou deuant le ſoupper, & ſont auſſy utiles pour la preſeruation en cōfortāt le cœur, le cerueau & leſtomach. Ceulx qui ne pœuent auoir ce remède, prendront ſouuent du bolus armenius en eaue roſe lauē & ſeichē aueq la digieſme partie de racine de angelica, en hyuer auecq un petit de vin: & en eſté aueq eaue de ſurelle, ou decoction d'icelle: on pourra auſſy uſer de ladiſte pouldre aueq le double d'icelle de ſuccre roſat: les pources aurōt recours à la tiriague diataſſeron en hyuer: & en eſté & tēps modoré à ladiſte pouldre. Et quāt à la purgatiō, la reubarbe en eſté eſt fort excellente, donnée en d'euē quantité, & en hyuer le aloes, & la hierapicra Galēni: & pour les pources.

Electuaire
re utile
en tout
temps.

Pour les
pources.

Notandū
de pilula
pessima.

Deco-
ctio utile

les pillules communes escriptes en la partie pre
seruatiue, & ne suis de aduis qu'on use de la pil
lule de loannes de Vigo, ou il entre du precipi
tatum, ny en ceste maladie ny en aultre: car elle
est veneneuse destruisât l'esperit vital, euacuât
les bons humeurs avecq les mauuais. Le syrop,
faict de plusieurs infusîōs des roses de puiuins
doné à la quâtité de deux ou trois onces, avecq
une dragme ou deux de bō reubarbe, est un re
mède excellēt en esté & tēps moderé. Les pillu
les imperiales sont bones en tout temps & doi
buēt estre prinſes du matin long temps deuant
le māger. Apres la phlebotomie & la purgatiō
faicte par art ou par nature, est chose singulie
re & bien approuuée d'user du remède sequēt,
lequel prouoque a suēr abondāmēt: c'est qu'il
fault prendre un quartron du bois nommé
gaiacum, demy quartron de l'escorce d'iceluy,
de la racine de cardo Mariæ, quy est tacheté de
blanc, que on appelle aussy cardo maculatus,
une once racine de buglosse, & de pimpinelle,
de chascune demie once, des fœulles de cardo
benedict une poignée, on fera boullir le tout
en deux lots ou deux quartes deauē à petit feu,
tant qu'il viendront à moins d'un lot, lors on
y adiouſtera une pinte de vin blanc petit, & o
doriferant, & le fauldra boullir de rechef, un
boullon: & laisser le tout ensamble cinq ou six

heures, puis le couler. Le moien d'user de ce re
 mède est qu'il en fault prédre un bõ voirre, ou
 la quantité de six ou sept onces moienement
 chauld, en s'õ liêt du matin ou du soir loing du
 repas: & soy faire couurir assez fort: & fault que
 le patiêt endure la suëur par l'espace d'une heu
 re ou euirõ s'il luy est possible: lors doit auoir
 quelcõ qu'y l'essuë doulcemêt par tout le corps,
 & une heure apres pourra manger quelque viã
 de de facile concoctiõ selõ la saison. En ce cas
 aduient souuent tréblement de cõur: & lors a
 pres auoir faict les remèdes principaulx est bõ
 de epithimer la région du cõur, aueq eaue de su
 relle & de roses, aueq lesquelles on mettra de la
 pouldre de macis, de santali citrini, un petit de
 bon vin, puis fault mouiller une piece d'escarla
 te en ladicte liqueur tiede & l'appliquer sur la ré
 gion du cõur deux ou trois fois le iour, loing
 du manger. En ceste maladie aduient souuent
 grand vomissement, qu'il debilité l'estomach:
 pour secourir lors à la debilité de l'estomach,
 est utile de faire fomentatiõ, aueq le vin rouge,
 aueq lequel on aura faict boullir absynthium
 romanũ, roses, mariolainne: & fleurs de rosma
 rin: puis incontinent apres sinapiser pouldre
 de mastic, & de macis. Et pour reuoquer l'appe
 tit perdu en temps chauld ou moderé, le patiêt
 usera de orenges, aueq eaue rose, & sucre, ou

Remède
 prouo-
 quât à
 suër.

Epitime
 cordial

Fomētũ
 stoma-
 chicum.

Clistère
attractif

Nota
pour les
clistères.

de pomes de malingnes, quy sont acides ou
aigrettes tréchées bien deliées & mises en un
voirre plein d'eaue venant du puits ou de la fô
taine, aussy en tout temps pourra user d'oliues
bié dessalées. Pour obuièr au somne pfond &
pesanteur de chef, n'est chose plus utile que di
uertir les vapœurs corrūpus par clistères assez
forts & attractifs, comme celuy quy est faict de
mercuriale aueq brionne & centaure: aueq bo
ne quantité de miel, on recouure de ces herbes
facilement, & quas y en tout tēps. Et pour cest
affaire est bone l'inuention des instrumens de
cuir ronds aians deux formules de bois, à l'une
desqueles on pœult mettre la bugette, ou cāne
de l'instrumēt & ne se fault que asseoir douce
ment sus ledict instrumēt pour prendre ledict
clistère sans aide d'aultruy, & sont les clistères
en tout temps utiles, tant pour la preservation
que pour la curation, & mettrons fin a ce trai
cté de peste, en aduertissant le chirurgien quy
vœult aller en un camp militaire, qu'il porte ce
liure et aueq soy, pour se cōduire selon la doctri
ne que auons donée. Et que le gédarme porte
aueq soy de la racine de angelica, du macis en
tier, ou de la racine de zedoaria, pour tenir sou
uent en la bouche pour sa preservatiō. Et qu'il
porte du cardō benediēt, racine de liōne, ou de
cardo Mariæ, pour faire boullir en eaue aueq

vin blanc subtil & non doulc pour prendre, lors qu'il est touché de la peste, soy faisant cou-
rir & suër: ce remède est fort utile: mais plus
prouffitable apres la saignée, ou clistère, que de-
uant iceulx. le me suis arresté en ce cas à descri-
re les aydes bien experimentés sans multiplier
plusieurs ordonâces quy induisēt plus to cōfu-
sion que utilité, par lesquels remèdes à l'ayde de
l'auteur de vie nostre redempteur & preserua-
teur Iesuchrist, plusieurs ont esté & seront pre-
serués & gueris, auquel soit honneur & gloire in
secula seculorum, amen.

LA CVRATION METHODI- que du dysentère, ou caque sanguē.

EN CESTE DERNIERE PAR-
tie de ce petit liure nous mettrons la cu-
ration de la maladie contagieuse nommée dys-
senteria laquelle comme recite Galéne au secōd
de sa methode à prins sa denominatiō, à lesa par-
ticula, nā *ἐνρίγα* Græcè, Latinè *intestina dicū*
cūtur, & en François signifie difficulté outour-
ment d'intestin. Et commencerons la curation
generale, laquelle cōsiste en vraie methode par
la diffinition d'icelle. Dysentère proprement *Diffini*
est ulceration des intestins aueq douleur & aueq *tiō de dy*
egestion sanguinolente, & est appelée caque- *senterē.*

Causa
huius
morbi.

sangue des Italiens ab accidenti, à cause des ege-
stions meslées aueq le sang. Ceste maladie est cau-
sée le plus souuent de cholere mordante venāt
du foie ou de tout le corps, laquelle en passant
par les intestins, les escorche & faict ulceratiō.
Elle vient aulcunesfois de cholere aduste, ou
d'humeur melācholic, ou de flegme false: celle
quy prouient de cholere aduste, ou suc melan-
cholic est iugée mortelle de Hippocrates disāt,
Dysenteria si à felle nigro incipiat lethalis. Et
Galien exposant cest aphorisme dict, que teles
ulcères procedantes de cholere noire sont tou-
tes malignes & tiennent la nature du cancer:
parquoy sont pncieuses. Ceste maladie en un
camp, à souuent son commencement de cause
exterieure, cōme l'usance de viādes corrūpuēs,
ou mal prepareés, de leaue infectée par putre-
faction de bestes mortes, & de l'air infecté par
icelles: & par les corps humains gisans sur la ter-
re ou à demy enterrés: au commencement de
ceste maladie, la partie superficiēle des intestins
est corrodée par l'acrimonie de l'humeur pe-
chant quy passe par iceulx, & lors que la premie-
re tunique d'iceulx est erodée sont ouuertes les
veines desqueles sort le sang, aueq les excremēs,
& aulcunesfois tout pur. Sy les menus ou graci-
les intestins sont ulcerés, la douleur est plus vers
la regiō du fond de l'estomach, & sy la maladie

La cau-
se exter-
ne.

est aux gros intestins, la douleur est plus vers le
petit ventre, & est le sang plus meslé avecq les ex-
cremens, la douleur est plus agüe, la fiebure plus *Signes di*
vehemēte, la soif plus grande, & en ce cas auoir *uisifs.*
discretion de scauoir en quel lieu consiste ladi-
ctē maladie, par les signes deffuictz, est vraie
methode: car aultrement doibt estre guerie, cel-
le quy cōsiste aux menus ou grāciles intestins,
que celle quy est aux gros intestins: & est ceste
indication prinse de la situation de la partie le-
sée. Doncques celle des grāciles intestins requiert *Quarto*
estre guerie par medicamēs pris par la bouche. *Methodi.*
Et celle quy cōsiste aux gros, par iniectiō faicte
par clistēres. Et pour ce quel'elsēce de ceste ma-
ladie consiste en solution de continuité, il
est certain que pour la curation elle requiert
union des parties ulcerées, & pour icelle par-
faire, sōt adhibēs tōuts remēdes, & ce appartient
à la partie curatiue, comme l'euacuation des hu-
meurs mordans, quy decourēt à la partie lēsee:
quy pœuuent faire ou augmenter icelle mala-
die, appartient à la partie preseruatīue. Dōcques
la curatiō de la maladie faicte, sera parfaicte par
les medicamēs quy ont faculté & puissance de *Morbi.*
unir & ioindre les parties séparées, mais les ul- *facti cu*
cérés quy sont latētēs es parties interieures du *ratio.*
corps, requierent plus grande consideration
& diligence, que celles, quy sont euidentēs: &

au dehors, comme recite Galéne au premier li-
ure de locis affectis, & deuât que les aides prins
par la bouche, paruiennent aux intestins, il sont
diminués, & leur actiō & vertu: parquoy fault
que les medicamens soient de plus grâde siccité
& vertu, que sil estoient immédiatement appli-
qués sur lesdictes ulcères. Le medici, ou chirur-
gien quy cōsiderera biē ces indicatiōs, en obtie-
dra honeur, & les pources patients en auront le
prouffit, moiēnant la grace, de l'auteur de tout
bien nostre redempteur Iesuchrist, au quel soit
honor & gloire à tout iamais.

S'EN SVIT LA PARTIE OPE- ratiue, ou pratique de dysentēre, ou caquefanguē.

QUAND CESTE MALADIE
commence, comme on doibt cognoi-
stre par ces propres accidens, lors on
doibt premier cōsiderer sy le corps abonde en
sang, & sy les vaisseaux sont replets: & sy ain-
sy est, c'est chose tresutile de ouurir la basilique au
brach droict, en faisant petite ouuerture, à fin
que le sang subtil & la cholere puissent sortir.
Et par ce moien est faicte bonē diuersiō des hu-
meurs, quy porroint augmenter ladicte mala-
die, & suffit de tirer trois au quatre onces de sâg

Nota
sus la
phlebot-
omie en ce
cas.

pour ladicte reuulsiō, à fin que la vertu soit pl^{us}
 forte pour resister à la vehemēce de ladicte ma-
 ladic: cōbiē que en ce cas on ne est point accou-
 stumē d'entamer aulcune veine, & qu'il s'ab-
 ra à plusieurs estre quelque paradoxe, touchāt
 la curation de ceste maladie. Et sy le medicin
 n'est point appellē au premier ou second iour
 que ladicte maladie aura inuadē le patient, ou
 que le patient soit *Αιμόφοβος*, .i. mittendi san-
 guinis timidus, lors on doit commander au
 patient, qu'il viue sobrement, tant en boire cō-
 me en manger, en ostant le vin: & est bon que le

La diēte
 utile.

patiēt boiue eaue boullie, ferrēe aueq quelque
 syrop adstringent comme est celuy de mirtil-
 les, de berberis ou de cidonijs, ou eaue ferrēe
 blanchiē aueq amandes: le laiēt d'amandes pre-
 parē d'eaue ferrēe, bien substantieux aueq le suc
 crerōsat, ou aueq un petit d'eaue rose est utile
 par tout le decours de ceste maladie: les herbes
 utiles pour alterer le boullon de la chair, sont la
 surelle, les fœulles de plantain, de oxiacantha,
 nomē berberis, ou espine vinette, les laiētues, la
 scariole, & au lieu d'icelles on pœult faire quel-
 que nodule ou poulpe, à tout amandes cassēes,
 fumach, berberis, semence de plantain, de pour-
 piet, ou pourcelaine, pour mettre boullir aueq
 la chair, de la pulpe de la poictrine du chappon
 alterēe: aueq les choses susdictes on en fera cou-

lis assez especs : & au lieu de sucre on mettra un
petit deaue rose: deuant le past est utile le cōdit
de coing, ou de sy rop d'iceluy, & en la fin la poi
re rostie non suc crée, ou les amandes preparees
aueq leaue rose, & les viandes susdictes ne dōib
uent point estre prinſes chauldes, mais froides
ou tirant à froid eur: ceulx quy sont au cāp po
uront māger du laiſt bouilly, aueq lequel on au
ra estainct pluſieurs fois un caillou cler, & la pie
re nomēe pirite s, ou quelque pierre belle & cle
re qu'on trouuē ſouuēt par les riuieres, & buue
ront de l'eaue bouillie aueq fœulles de plātain,
ou de rōce, ou de fœulles de mespelier, & doit
le patient euiſer couroux, melancholiē, & ſoit
coy ſans deambuler, car par tout le decours de
la maladie, le repos, & le dormir ſont deux cho
ſes fort utiles. Quant aux remedes des le com
mencement on doit regarder d'euacuer l'hu
meur pec cāt, prudētemēt, en euitāt toute medi
cine ou e ntre diagrede, colochite, agaric, & ſem
blables: mais fault uſer de celles quy purgent
doulcemēt ſans agiter les humeurs: & quy de
laiſſent apres leur operatiō quelque veſtige de
ſtipticitē, comme eſt le reubarbe, ou les mirabo
lās, d'oulcemēt deſechés ſus le fer moienemēt
chaud, donés en deuē quātité, aueq decoctiō
de plantain, ou de hippuris nommée vulgaire
ment queuē de cheual, ou de piloselle. Et pour

Nota de
L'exhibi
tion de
laiſt.

Nota ſus
la pur
gation.

ce qu'en ce cas il y a souuent obstru^{ti}o des vei
 nes meseraiques, sera fort utile d'user de choses
 aperitiues quy ont en soy quelque adstri^{cti}o
 & propriete de guerir des ulceres interieures :
 & auons tousiours trouue de grande efficace *Choses*
 la piloselle & l'aigremoine, quæ est veru empa *aperiti*
 torium, les fœulles de chariophilata, & les ra *ues ateq*
 cines de plantain : on doibt boullir icelles her *stiptice*
 bes en eaue, & doner à boire entre deux repas
 de ladicte decoction, & sera bon ayde aux po
 ures gens & aux gendarmes à cause qu'on trou *De pilo*
 ue desdictes herbes quasy par tout. Nous auõs *sella no*
 trouue aussy utile la pouldre de la piloselle sei *tandum*
 chée doulcemēt en un papier sur le gril, donée
 la pesanteur d'un escu, aueq decoction de plan
 tain. Et entre aultres remēdes est utile de sa pro
 priete le foie de loutre, il le fault couper par *Du foie*
 pieces, puis le lauer en vin blanc : & apres le sei *de loutre*
 cher au four, & le garder pour faire pouldre, &
 auons accoustumē d'en doner au patient la pe
 santeur d'une dragme, ou d'un escu aueq deco
 ction de plantain, ou d'aigremoine du matin :
 on doibt aussy en tel cas, porter aueq soy poul
 dre de escreuices fluuiales, & bolus armenius,
 lauē en eaue rose, ou de plantain, à cause qu'ils
 sont bons tant en ce cas cōme à la preservation
 & curation de la peste. Pareillement est du co
 ral & corne de cerf brullēs & puluerisēs, & de

la pierre ematites, ou sanguinaris, donés comme les remèdes dessusdicts, par les parties extérieures est utile de oindre la région de l'estomach & tout le ventre inférieur d'huile rosat chaud, avec lequel on aura adouci quelque quantité de mastic, & ce par deux ou trois fois le jour.

Vntion
utile.

Et ne faut oublier, que les clistères sont de grande utilité, quand l'ulcère est aux gros intestins: & doit commencer par clistère lavatif, ou de-
terfif, cōme est fait de decoction d'orge, avec roses, hypericō, & le miel rosat: & doit être donné tiède: car la chaleur actuelle esmeut les hu-

Clistere
lavatif.

meurs, & deux ou trois heures après on doit donner un autre clistère adstringent, comme celui qui est fait de decoction de symphytū, ou consolida maior, plantain, polygonum, ro-

Clistere
consoli-
datif.

ses, aigremoine, hypericō: avec laquelle on adouci-
tera, sanguis draconis, du bolus armenius, & graisse de bouc ou de chevre: à ceste intention est utile le clistère fait de lait, avec lequel au-

Sedatif.
de douleur

ront bouilli les herbes susdictes sans sel, & sans huile. Et si la douleur est vehemente on bouillira avec le lait des feuilles de pavot, ou de la semence d'icelui, avec lesdictes herbes. Plusieurs docteurs louent l'application d'un petit suppositoire, fait de storax calamita, avec lequel on adouci-
tera la dixiesme partie d'opium, & doit le dict suppositoire avoir un filet pendu au de

hors, à fin que lors que le patient commencera à dormir, on le puist tirer hors, & est le dormir tresutile en ce cas. Parquoy sus la nuit sera bon de doner du laiët d'amandes espes, préparé à tout leauc ferrée, & aueq seméce de pauot blanc Pareillement est bone l'application de populeon aueq, on adioustera un petit d'opium, & ce seulement sus les temples du soir, & lors que le patient commencera à dormir, fauldra oster l'emplâstre: & pour conclusion ou que soit l'ulceratiō, & par tout le decours de ceste maladie ay trouué bon remède de faire boire au patiët, de la decoction de pentaphillon, argentine, & plantain, & doner une heure deuât le repas demie culierée de coriandre préparé par trois iours aueq leau rose, & doucement seiché en un papier sur le gril, & ainsy faisons la fin à ce petit liure, dont honeur & gloire en soit à tousiours à l'autheur de vië Iesuchrist.

Notādū
de narco
tico.

Decoction
utile en
tout
temps.

CANDIDO LECTORI.

CANDIDE LECTOR, QVIS
quis ex hoc libello fructum perceperis, be
ne precare Imperatori Carolo huius no
minis quinto, in cuius ac ræipublicæ gratiam,
hunc libellum primò conscripsimus.

Gij.

Les erreurs des

CHIRVRGIENS, OBSERVES

& redigés par escript, par le dessus nommé maître Nicolas Goddin docteur en médecine. A

touts chirurgiës, qui desirēt de suiure la curatiō methodique des maladies, desquel les lesdicts erreurs font mention.

LE PREMIER ERREVR EST touchāt la maladie, nomēe en Latī lues venerea, en Frāçois la contagiō venerique.

IVSQVES AV TEMPS present on ā grādement erré en la curatiō de la cōtagion venerique, principalement au commencement d'icelle, faisant phlébotomie de la basilique dextre ou fenestre. Au cōmencemēt de ceste maladie se monstret cōmunement rougeur aueq quelque petite ulceratiō au mēbre viril, ou excoriatiō du cōduict de l'urine, laquelle puiēt iusques vers le col de la vessie: & souuēt aueq lesdicts accidēs suruiēt absces es aignes, apres en aulcū naiscēt pustules de diuerses figures, & taches de diuerses couleurs selon les tēperatures & humeurs abōdāes es corps des paties.

Il est certain, que quasi tous les chirurgiens vulgaires, au commencement de ceste maladie donent quelque medicine solutiue vehemete, comme est coloquinte, confection amech, ou aultre: puis lendemain entament la basilique du brach dextre, ou senestre, & apres viennent aux unctions, ou suffumigations. Et certes iceulx commettans tel erreur, sont cause de attirer le sang & aultres humeurs infectés de la contagion vers les parties nobles: lesquels sentans le no cument d'iceulx, les renuoient en diuerses parties du corps, lesquels apres engendrent ulcères phagedeniques & rebelles à curation: & sy engendrent tophes & nodosités adherées aux os, lesquels par malignité indicible, viennent à faire carie & corrosion aux os, avec douleur quy done grâde affliction aux pources patients, & cōmunemēt, plus la nuit que le iour. Or nous auons deliberé selon nostre petit iudice, doner quelque petit de methode, laquelle contrecuiendra aux erreurs que nous auons deliberé de corriger. Doncques au commencement de ceste contagieuse maladie, fault cōmencer la curation par euacuër le corps, avec les solutifs quy mundifient le sang, & propres selon les temperatures des corps: & ce en usant de preparatif selō lesdictes temperatures & humeurs pechans. Parquoy doibt le chirurgien recou

urir à quelque docte medicin: car en ce cas nature
 doit reigler la medicine, non pas la medice-
 ne nature. Apres est chose bien raisonnable &
 & utile, de ouurir la saphene au pied dextre, ou
 fenestre, selon que l'absces se móstre, ou s'y l'n'y
 á point d'absces es aignes, selon le iudice du me-
 dicin, ce faisant, on fait reuulsion, laquelle tire
 ledict sang & humeurs infectés arriere des par-
 ties principales. Sur l'absces on doit tousiours
 appliquer choses mollicatiues, & attractiues,
 pretendan le faire venir á suppuration: & i-
 celles indicatiós, accomplies, fault que le patient
 use de la potion, faite ex ebeno gaiaci, præpa-
 rée selon les temperatures, & humeurs pechás,
 & ce par l'espace d'un mois, ou enuiron. Et cõ
 bien que aucunes gens doctes, soint deaduis,
 que la potiõ gaiacine se doit faire sans admix-
 tion d'autres medicamēs, neantmoins auons
 trouué que l'admixture de plusieurs simples
 conuenables, adioincte selon bon iudice, aians
 regard á diuerses maladies, ont produict mei-
 lleur effect que la decoction du bois seul: com-
 bié que le decret de Alphonfus Ferrus, quy use
 de la decoction de ce bois en toutes maladies,
 est du tout ridicule: lequel en use in pthisi, etiã
 si dijs placuerit in senio Philippi. D'auantage
 ont erré grãdemēt ceulx quy ont mis en auant
 le bois de l'eschine fort cher & inutile, & du

Alphonsus
 Ferrus.

touts insipide. Et par dessus tous errent insulce
mēt, ceulx quy ont mis en usance de faire la die-
te, aueq la decoction du buisset, quy est un bois
adstringēt, puāt & ennemy aux parties princi-
pales. Et certes entre toutes les arbres, q̄ nous ā
doné le createur en nostre Gaule belgiq̄, iln'y
ā nul quy ap̄pche pl⁹ à la nature du bois de gai-
ac, q̄ le fresne, leq̄l ouure les obstructiōs du foie,
de la ratte, & des rains : & sçay q̄lcū quy aueq la
decoctiō du fresne ā recouuert sāté apres auoir
faict les choses uniuerelles requises en ce cas .

LE SECOND ERREVR EST
touchāt la dicte maladie, lors qu'elle
est confermée.

LORS QUE L'OCCASION
de guerir ceste maladie par les remēdes
subscrips, est perduē par l'ignorance des chirur-
giens, ou par la negligence des patiens : enco-
re commettent nouueaulx erreurs les chirur-
giens vulgaires, en donat solutifs violēts, sans
preparer les humeurs peccans ā expulsion, quy
apres font nodosités, ulcères malignes : & quy
pis est, lors qu'il y ā plusieurs ulcères tophes, &
nœuds, ilz sōt sy ignorās, que soubit apres qu'il
ont exhibés lesdicts solutifs vehemens, il font
unctiōs ou parfums, deuant qu'ils aient mun

Error in
unctiōne

difiés lesdicts ulcères, & oste la carië des os : par
quoy encourent souuent grand deshonneur.
Car les douleurs retournent au bout de quatre
ou cinq mois ou parauant : & apres reuiennët
iceulx ulcères, & carië es os. D'auantage il com
mettent erreur touchant l'unctiō, quant ilz
oignent la teste, la region du cœur, la region
de l'estomach, les hypocondriës, & fociles des
iambes, contre toute raison, faisant unctiō uni
uersele. Parquoy lors que ceste maladie est con
fermée, & qu'il y a ulcère, tophes, ou nœuds,
c'est la plus seure voie, de bien mūdifier lesdicts
ulcères, & de ouurir les nœuds, aueq caustique,
faict de fort capitel, cendres de feces de sauon,
formés aueq vitriol bien bruslé, & puluerisé :
puis apres que l'escarre sera tréché par le milieu
aueq la poïcte du rasoir iusques aux os erodés,
est bon de mettre en fond pouldre de precipita
tum, ou plumaceaux imbus de basilicon, & pre
cipitatum meslés ensamble : puis fault ruginer
les os erodés, & lors est le temps propre à faire
inunctiō, aueq les unguens, ou entrët les axun
ges, gommes, mineraulx, huilles ioinctes aueq
le mercure en suffisante quantité, en adiou
stant aueq l'unguent tiriaque fine, & bon mi
thridat. Et suffit de oindre les espaulles, les mus
cles du dos & lumbares, les hanches, les cuisses,
les genouls, coudes, & extremités. Et sy fault a

uoir discretion de cesser l'unction, lors que les
 mādibules sont esleuées & dolozeuses: & qu'el-
 les commencent à rendre la matiere saliuale &
 pituiteuse, ou que le flux de vêtre leur suruiët.
 Et ne fault auoir en horreur les aydes ou entre
 le mercure, moiennant que on en use prudente-
 ment: car par iceulx cent mille persones en ont
 esté bien & seurement guaris. Et apres que le
 flux est cessé, est oportun de user de la decoctiō
 du bois de ebene, de gaiac deuëment preparé a-
 ueq le vin ou sans vin: seul ou aueq aultres sim-
 ples selon le iudice du medicin chirurgien do-
 cte & experimenté. Quant à l'exhibitiō du pre-
 cipitat par les pties interieures, plusieurs y ont
 admis erreur pernicious, & y ont encouru du
 grād deshonneur, ceulx quy par temerité auda-
 cieuse le ont doné en pilules ou aultrement, &
 ont esté cause de la mort de plusieurs, pquoy
 on ne doibt iamais user dudiectayde par dedés.

*Tempus
 utendi
 decoctio
 ligni
 sancti.*

*Error
 ingēs in
 præcipi-
 tati exhi-
 bitio ne.*

LE TIERS ERREVR EST TOV
 chāt les coups penetrāts en la poictrine.

IL ADVIENT SOVVENT QUE
 es plaies penetrantes en la cavitē de la poi-
 ctrine, qu'il descend grand quantité de sang au
 fond d'icelle, quy repose sus le diaphragme, le-
 quel par sa grauitē, oppresse lediētdiaphragme,

& prend mauuaise qualité en soy putrifiant, & comprime les polmons, & par la putrefaction d'iceluy, quy est communiquée au cœur, est causée la fiebure continuë, quy maine les patients à la mort, vers le dixiesme iour : or les chirurgies vulgaires, n'ont point consideration de cest affaire, & par leur ignorance le patient est destitué des aydes, par lesquels il porroit paruenir à guerison. Doncques lors que tu voirras que la plaie sera penetrante à la cavitè du thorax, ou poictrine, tu considereras syl n'y a point de sang descendu vers le pied du diaphragme, laquelle chose tu cognoistras par la difficulté de respirer, par la puanteur de l'alainne, par la relation du patient quy sent icelluy sang mouuoir de lieu en aultre, & à le patient souuēt en ce cas la face rubicunde, par les vapeurs quy montent à la face, & couche plus indolentement, sus le costé ou repose ledict sãg, que sus l'autre: à cause que icelluy sang comprime les polmõs & diaphragme. Parquoy en ce cas, fault que le chirurgien soit diligent de cõsiderer les signes dessus dicts, & ce pendant que la vertu du patient est encore bone, est besoing de faire contre ouuerture entre la quarte & cinquiesme coste à la distance de six ou sept doigts de l'espine du dos: le rasoir duquel on doibt faire l'ouuerture, doibt estre petit, bien trenchant, duquel petit à petit

& doulcemét, on doibt trencher mesopleuria, ou muscles intercostaulx & se doibt faire toutf iours icelle sectiō en cōduisant le raisor vers la ptie inferieure desdicts muscles intercostaulx: car les veines quy nourrissent lesdict muscles & les nœuds quy leur donent mouuemét, & senti ment, suiuent plus la position de la partie haul té que de la basse. Par ce moien apres que ladiète ouuerture est decentement faiète, on euacuē le dict sang corrompu, petit à petit selon le iudice du medicin chirurgien, ou du docteur assistét, & suffit d'en tirer deux fois le iour cinq ou six onces à la fois. Et en ce cas les potions vulnerai res sont bien utiles, desqueles les docteurs pra cticiens ont parle assez amplement. Et par ces moiens subscrips, à l'ayde du createur en auons gardé quatre pour un an, lesquels sans lesdicts aydes suffent decedés certainemét, & en ont rés du grace à dieu, donateur de l'art de chirurgie.

LE Q V A R T E R R E V R E S T,
touchant l'application des tripanes, ou te rebelles, es fractures des oz de la teste.

N O V S A V O N S V E V S O V:
uent commettre erreur touchant l'appli catiō des tripanes, es fractures du crane, principalement quant l'os estoit cassé en diuer

ses pieces, d'aültant qu'il ne auoint point la cõsideration que iceulx os diuifés, lésquels ont petite resistance obeissent à la reuolution de la dicté tripane: parquoy est souuent lacerée la dure mere, & par la dilaceration d'icelle, sont causés le plus souuét accidens quy mainent les pures patients à la mort. Pourtant en ce cas fault auoir bone consideration, deuât que appliquer les tripanes: car sy on pœult aueq scalpres excisoires esleuer un des os fracturés, on aura facilement les aultres sans tripaner. Et auons souuét trouuë utile en tel cas, un instrument, lequel à son extremité, est de figure lunaire tele que ont acoustumé de user ceulx quy taillent les petites, medailles de bois, quy taillent bien, & petit à petit font bone impressiõ en l'os du crane, sans vexer les parties subiectes: & ay plusieurs fois prohibé de appliquer les tripanes au profit des patients, & à l'hõneur de la chirurgië, la ou les chirurgiës vulgaires estoient du tout deslibérés de appliquer lesdictes tripanes. Et en y a plusieurs ignorans quy sans iudice appliquent les tripanes en toutes parties de la teste, sans cõsiderer les lieux des commissures, & sont cause de la mort des pures patients. Pour ce tout chirurgien doit considerer diligemment ces affaires, à fin qu'il traiçte son art selõ methode & verité: & qu'il en rende grace au createur.

LE QVINT ERREVR EST
touchât la poincture des nerfs.

Q V A N D Q V E L C V N E S T
blessé de poincture de nerf, sy ce n'est
qu'il soit pensé par quelcun quy soit in-
stitué en l'art de chirurgie, il est en grand dan-
ger de venir à conuulsion, laquelle faict mourir
plusieurs patients, comme aduient souuent à
ceulx quy sont pensés par aulcuns chirurgiens
vulgaires & gens ignorás, lesqueles au commé-
cement pensans bien besongner, font fométa-
tion de aue chaulde, aueq lesqueles ont boullis,
malues, violaria, & semblables: puis apres la fo-
mentation appliquent selon leur coustume in-
utile, un cõmun sedatif de douleur, faict de mié
de pain blác, destrépée aueq le iaulne de l'œuf,
& huile de chamamille, ou rosat: lesqueles cho-
ses sont du tout ennemiës aux poinctures des
nerfs, d'aultant que par l'application d'iceulx
sont remollis les pties nerueuses, & est retenué
la matiere quy decourt esdictes parties, & est au-
gmenté l'absces quy communement aduiét en
ce cas: & par cõtinuatiõ est impartý le mal, au
cerueau, duquel vient apres conuulsion & con-
sequemment la mort. Doncques pour euer
tel danger, en suiuant la curation raisonnable,
fault auoir regart de purger le corps decente-

ment, & sy la vertu est bone de faire phlebotomie reuulsive, ou voisine, selon le iudice du docte medicin, lors pour euoquer la matiere impaete & imbuë au nerf poinct, fault eslargir l'orifice de la dicte poincture, à fin que la vertu des medicamens puisse mieulx penetrer au profond: & que la sanie subtile puisse estre euoquée au dehors. Et en ce cas auons trouué bien utile huile de hypericon, preparé aueq la gôme de sapin, nommée therebentine de Venise, & sur une once dudit huile, fault mettre demy scrupule de euphorbium, puis le fault appliquer chaud à tout un plumaceau, & mettre dessus éplastre, faict aueq ppolis, gôme, hammoniac, & cire, en decente quantité: par ce moie on attire la matiere imbibée aux nerfs ou aux tédos aux pties exterieures, laquelle induiroit phlegmoe, douleur intese, & apres couulsiō. A ceste intention auos usé de ũguet faict d'huile de lin, & de euphorbiū de chascū egalemēt, aueq la vingtiesme ptie de soulfhre puluerisé aueq decete quantité de resine de pin & de cire, cest ũguet excite chaleur mediocremēt, il attire & deseiche, & est de subtiles pties, parquoy est de bō effect en ce cas, par lequel à l'ayde de nostre seruatur lesu christ, le chirurgiē prudēt porra auoir honneur, & les pures patiens ayde & secours.

L'ERREVR VI. EST TOV=

chant la curatiō des herniës ou ruptures.

NOVS AVONS PLUSIEURS fois veu ceulx quy se meslent de inciser de la pierre & de ruptures ou herniës, abuser tresgrandement le pœuple, touchant la cure des hernies ou ramices, d'aultāt que par leur grande avarice ont fait incisiō, & ont extirpés le testicule en hernie aqueuse ou venteuse, la quelle chose est du tout contre dieu, & toute raison: & iceulx malheureux & meschans commettent cest erreur souuent sur les hernies des petits enfans, à cause que es hernies aqueuses & venteuses de ceulx quy vienēt ou sont en eage virile, on cognoist euidemment, que en tel cas tel erreur seroit trop euidēt. Pource suis de aduis que chascun quy à quelque enfant aiant hernie de quelque espee que elle soit, que premier, que le mettre au danger de perdre le testicule, ou de la mort, que on monstre lesdictes hernies à quelque medicin, ou chirurgien scauant, lesquels cognoistront facilement la difference de celles quy sont aqueuses ou venteuses, à l'encontre de celles quy sont intestinales, ou omentales. Et certes nous auons veu que des hernies petites quy prouient de la relaxation ou diuision du peritoneum, plusieurs estre gueris aueq les medicamens conglutinatifs: & n'a esté besoing d'extirper le testicule, princia



dalement es iuesnes gens. Celles quy sont de moienne grâdeur, en eage de adolescence, ou virile, pœuuent estre guerriës par section & ustion decentement faictes, ou par le cautère potétial, ou par l'extirpation du testicule. Et à la reale verité, la plus seure curatiō des hernies zirbales, ou intestinales, est celle quy se faict par l'applicatiō du cantère actual, sur l'os pectinis: & ce apres que lon aura faict incisiō sur ledict os, aueq rasoïr, tirât le didime vers la ptië siluestre. Le dict cautère doibt estre de figure lunai: re de lespeueur de deux testōs ou enuiron, aiât d'assiete, l'espeueur d'un doigt, & les cornes en hault, à fin qu'il ne puiſt decliner à la vacuité du vêtre: apres fault procurer que l'escarre tombe, & faire decen te incarnation. La figure du dict cautère, doibt estre tēle, qu'elle est figurée en ceste page: aiât decēte proportion. Et

doibt auoir le manche une palme de long, & le
fer deux palmes. Chascun soit bien aduisé en
tels affaires pour euitier tels inconueniens, à fin
que leurs enfans soient gueris sans blesser natu
re, rendant grace au createur.

LE SEPTIESME ERREVR VVL
gaire, est touchant la curation de angina,
communément nommée squinantië.

S O V V E N T A V O N S V E V
commettre erreur pernicleux, en la curatiō
de squinantië, tant de la part des patiës, que des
chirurgiës: car les patiëtis quy sont vexés de ce
ste maladie, ont de coustume de euoquer incō
tinent quelque chirurgien pour faire phleboto
mie. Or le chirurgië vulgaire mal institué, à de
coustume de entamer les veines quy sont des
soubz la lāgue, sans faire reuulsion, laquelle cho
se est cause de attirer le sang & aultres humeurs
vers la partie affligée: & par consequēt l'absces
est plus grand & pire, quy facilement mainne le
patiët à la mort: parquoy en ce cas ne fault che
miner par la voie publique, mais est necessaire
de purger premier le corps selon qu'il est be
soing, & faire phlebotomie reuulsiue, premier
au plis du brach, ou à la main de la veine che

Methode
H.

phalique, puis huiët ou dix heures apres, fault entamer les veines de dessoubs la langue, par ce moien on procedera methodiquement à la cure, par lequel à l'ayde de nostre seruateur Iesu christ, plusieurs seront seurement gueris, & luy en rendront grace perpetuelement.

LE HVICTIETME ERREVR,
est touchant la curâtion de hemicrania, &
de la relaxation de uuula.

LA TEMERITE D'AVL:
cuns chirurgiens habitans es pays d'Artois, & aultres circumuoisins, à esté cause comme auons veu plusieurs fois, de tresgrans detrimens à plusieurs patiëns, par l'imprudence des chirurgiens, lesquels par leur temerité audacieuse, ont souuentefois entamé la veine du frôt, sans faire reuulsion es douleurs hemicraniques & aultres douleurs de teste, par laquelle phlebotomie impudemment, & imprudemment faicte, auons veu aucuns venir aueugles, les aultres deuenir sourds, & aultres perdre l'usâce de raison: pour ce en ce cas on se doit bien garder d'etâmer icelle veine du front, que premier on ne ait ouuert la chephalique au brach ou la main correspondante à la partie du chef, quy

est la plus affligée (& hoc est reuellere per communes patiēti pticulæ venas) Et en ce present chapitre ie voeulx narrer un erreur fort ridicule, quy est cōmun à Valencēnes, & es lieux circumuoisins: c'est que lors que les patiēs ont l'uvule relaxée, ilz ont de coustume de inciser la dictē uvule relaxée, laquelle chose on ne doibt attenter que premier on ne ait faict bone diligence touchant la curation d'icelle. Et maintefois me suis donē de merueille, commend à chascune fois que quelque iuene fille, ou femme, viēt à auoir la palle couleur, elles sollicitent les chirurgiens de faire incision de la partie inferieure de uvula, quy est du tout contre raison: car la dictē palle couleur prouient communemēt de l'obstruction ou imbecillité du foie, de la ratte, ou de la matrice (at pallor ille puellaris ad suā curationē lōgē generosius auxilium, & magis secundum naturam exposcebat.) Parquoy desormais iceulx se doibuent garder de exercer tēle operation irraisonnable es corps des iuenes filles & fœmes: car l'uvule faict beaucoup à la prolation de la voix articulée, comme on pœut voir par ceulx quy le ont perdu ex lue venerea, ou aultrement.

LE NEVFIESME ERREVR,

H ij.

est touchant la curation de cancer,
soit qu'il soit ulceré, ou non.

LE CANCER QVY COM-
mence à venir, est difficile à cognoistre,
principalement à ceulx qui ne sont bien exerci-
tés en la chirurgie, pour ce le doctissime Galé-
nè faict une analogie, dudit cancer naisçant
aux herbes qui naiscent de la terre disant: que
apres que on à semé plusieurs herbes en un iar-
din, que lors que elles sortét de la terre, q̄ ceulx
qui ne sont point bien exercités en cest affaire,
ne pœuent auoir seure cognoisçāce desdictes
herbes sortans hors de la terre: pour ce est bien
besoing que le medicin ou chirurgien soit de
bon iudice, & de grāde consideration en ce cas:
car lors que le cācer est petit situé en partie car-
niforme, loing des grands vaisseaux, comme
sont les parties superieures, & siluestres de la
cuisse, & des brachs, & des espaulles, on pœut
bien guerir ledict cācer, & ce par sectiō & ustiō,
comme auons veu faire à mestrre Loys de la co-
ste de saint Andrieu, home bien experimenté
en la chirurgie pratique, à present chirurgien
du Roy de France. Mais quant au cancer qui
est situé en lieu occulte, cōme au siege, aux mā-
melles, au palais, & parties du col, & dessoubs le
genouil, ou dessoubs les oreilles fault croire le

cōseil de nostre bõ pere Hippocrates, quy dict, que le cancer occulte ne demande point de curation. Et sur ce point le doctissime Galène declare, que la curation est double, cest à sçauoir, curation vraie, & curation palliatue . Et certes touchant ce cas auons veu commettre souuent erreur, par les empiriques, & gens ignares, mesmes apres que plusieurs paties sont venus vers nous, pour auoir conseil, & que leulx auõs cõseillé quilz usassent de cure palliatue, en appliquant les metalliques & aultres topiques decẽtement preparées , par leurs folles promesses ont abusés lesdicts patiens en appliquāt dessus iceulx cautere potential, ou en ouurāt lesdicts cancers aueq la lancette, lesquels ont aduancé la mort des pures patients, quy eussent pœu viure encore long temps en usant de cure palliatue . Quant au cancer ulceré, il est du tout incurable, & touchant iceluy commettent les empiriques tresgrand erreur, en appliquant plusieurs medicaments violens: ignorans que le cancer est de si maligne nature, comme dict Paulus Egineta. Vt mitiora remedia negligat, asperioribus vero irriteretur . Et pour la palliatio du cancer des lieux occultes, on doibt iceulx traicter prudemment, & y conuient tresbien emplastrum expõpholige, apres que on a nettoié le lieu ulceré, & appliqué le ius de lãceolata, no:

mé le long plantain, ou de climenon, ou de ar
étion nommée communement lappa minor. Je
prie à tous lecteurs qu'il leulx plaise cōsiderer
que c'est de la noblesse de la vie de l'home, & q̄
quand par art de medicine ou chirurgie on
pœut prolonger la vie des pources patients, on
le doibt bien faire: car pendāt le tēps que nous
sommes en ce monde mortel, nous pouons
auoir recours vers nostre pere celeste, & nous
humilier à luy, le recognoissant autheur de
tout bien, lequel á préparé à tous chrestiens
un bien indicible.

LE DIXIESME ERREVR EST touchant la curation de herisipelas. .

PLSIEURS CHIRVRGIENS
ont commis erreur pernicious, en la cura
tion de herisipelas, que on nomme commu
nement lorgueilleux, pour ce que il semble aux
vulgaires que ceste maladie prouiét d'humeur
furieux & maling, & accédent assés à la verité:
car la cause d'icelle est un humeur biliēux, ou
sang subtil meslé aueq ledicts humeurs, lequel
est expulsé des parties interieures, aux parties
superficiēles, quy occupe seulemēt le cuir aueq
doleur, chaleur, rougeur sans collection: mais

sestend & occupe grand lieu esdictes parties superficielles, produisant fiebres proportionées aux fiebres tierces. Or en ce cas est certain que incontinent que quelcun est touché de ceste maladie, il mande le chirurgie, le quel applique ius de plantain, ou de morelle, ou de cichorée, ou de semperuiuu, sans auoir regard sy le corps á besoing de purgation ou de phlebotomie, & quy pis est, ilz n'ont point de cōsideration du temps qu'il fault cesser l'application desdicts medicamēs refrigeratifs, & en appliquer d'autres quy soient resolutifs, aueq mediocre caustion & deterfion. Et certes auons veu aduenir plusieurs fois gangrene, & mortificatiō des particules affligées, par l'indecente application desdicts medicamens refrigeratifs. Parquoy le chirurgien prudēt doibt auoir cōsideratiō qu'il fault changer lesdicts medicaments, lors que la chaleur est ostée, & la rougeur diminuée, puis appliquer medicaments tels que auōs dict. Par Methode ce moien il procedera regulierement á sa cure, & en aura honeur & le patient utilité, de laquelle apres en rendra grace á nostre seruateur.

LE XI. ERREVR EST TOV
chant la curation de la maladie, nom
mée gangrena, ou estiomen⁹.

LA MALADIE NOMMEE
gangrena ou estiomenus, prouient sou-
uent de quelque phlegmone mal traicté,
lequel est situé es parties fort sensibles, duquel
la matiere ne pœut transpirer, & aduient aussy
par blessure, ou poincture faicte sus les cordes
& parties nerueuses, ioincte aueq phlegmone,
ou par trop estreindre quelque partie lesée ou
nō lesée. Et est ceste maladie un des cas des plus
difficils de toute la chirurgie, quy maine à la
mort tous les iours, plusieurs patients. Pour
ce fault auoir grande consideration sur les blef-
sures & poictures faictes es parties nerueuses, à
fin de euer phlegmone, & putrefaction. Et
quand le cas aduient que la gangrene commen-
ce, fault faire grande diligence touchât ladicte
curation, pour euer le danger de la mort eui-
dent, en faisant scarifications profondes, & en
appliquant aydes de grande deterfion & liqui-
des, comme sont decoction, & lexis faicts aueq
appium vulgaire, abrotonū, absinthium utrū-
que, cetaurium minus, gentiana & semblables:
car nous auons tousiours trouué iceulx aydes
plus utiles, que l'application des farines de lu-
pins, ou orobe, quy sont emplastiques & font
obstruction des porres. Et en ce cas fault obser-
uer sur tout une chose, c'est q'on ne doibt poit
laisser refroidir la partie lesée aueq les aydes: car

la frigidité mortifie iceuls , pour ce fault de quart d'heure en quart d'heure appliquer quel que linge chault, pour entretenir la chaleur moienne: dont par ce moien auons acquis souuét honeur & prouffit aux patiés, par l'ayde du createur.

LE DOVZIESME ERREVR, est touchant la curatiõ des catarrhattes.

LA CVRATION DES CATarrhattes, de la pierre engendrée en vessie, de ungula confirmée, & de rupture intestinale ou girbale, par chirurgie doibt estre delaissee à exercer seulement par ceulx quy sont experimentés en la curation d'icelles: ce non obstant auons veu commettre erreur plusieurs fois par ceulx quy abattent les catarrhattes: car contre toute raison nous auõs veu les abatre en plain marché par iceulx, sans purger le corps, & faire diuersion des humeurs abondans: laquelle chose á esté cause q'un ou deux apres lesdictes catarrhattes sont remontées, ce temps pendát les operateurs se sont absentés, accepta merces de. Et si auons veu aucuns d'iceulx operateurs abatre les catarrhattes, quy ne auoit poit encore prins forme de pannicule, & passoit l'aguille

à trauers de la catarrhatte, comme à trauers de
laiçt boulli: pour ce en ce cas deuant que faire
téles operations, fault premier confiderer si les
catarrhattes sont confermées ou non, & si elles
prouiennent de cause primitiue ou non, si elles
sont de couleur blanchette ou grise, ou si elles
sont obscures, tirant sus le noir ou le tanné: car
les premieres sont deponibles, les aultres non.
Celles quy prouienét de cause primitiue sont
difficiles à curer, & lors que on voeult faire l'o-
peration, fault purger le corps & faire phlebo-
tomie diuersiue, & que le patient soit à repos te-
nant bon regime, & que la teste soit bien située
en hault, bien doucement sans agitation d'es-
perit. Nous auons veu commettre erreur aux
operators quy ont taillé de la pierre en la vessie:
car apres qu'ilz ont osté la pierre, ils ont appli-
qué huile de petrole, quy est fort chauld, & fa-
rine de fourment aueq huile cõmun, laquelle
chose est du tout cõtre raison: car apres que on
á osté la pierre, & les arenules suiuentes, on doit
appliquer choses adstringentes, à fin de fermer
le pl⁹ que on pourra la plaie: aultremét il aduiét
souuent que le patient rend l'urine par la plaie
faicte, tout le temps de sa vie, laquelle chose ne
aduiendroit point s'il procedoit decentemét
à la curation de ladiçte plaie.

LE TREZIESME ERREVR,
est touchant les plaies de la saphé
ne, & veines iugulaires

IL ADVIENT SOVVENT QUE
la saphéne quy passe au millieu de la cuisse,
en la partie domestiq, est blestée, ou couppee,
dont les patiens mœurent soubit, par flux de
sang, pareillemét est des veines iugulaires, que
on nôme communemét originales: Les Grecs
les appellét sphagitides, en ce cas ceulx quy tōz
bent es mains de gens ignorans sont en euidét
danger de la mort, comme souuent auons veu
aduenir, d'autant qu'ilz sont negligens en tel
cas, quy requiert tresgrande diligence. Pour ce
le chirurgien methodic & prudent, lors qu'il
veoit que la dicté veine saphéne est notablemét
blestée, il situë la partie lesée asses hault, & le ge Method.
noul plus hault que la cuisse, & le corps pl⁹ bas
que iceuls, & applique le medicamét de Galéne
faict ex thure, aloë, ou i albumine, lequel il appli
q̄ aueq plumaceaux faicts de doux poils de lie:
pure, & faict ligature decéte cōmençât vers le
genoul, & finissât vers la cuisse, en ordonât bō
regime au patiët, & faisât diuersiō ainsy q̄ le cas
le requiert. La plaie faicte es veines iugulaires est
encore pl⁹ dāgereuse q̄ celles dessusdictes, pour
ce est besoing de faire pl⁹ grāde diligēce que en

icelles, & ou il aduient qu'elle est blessée notablement, les patients viennent le plus souuent à morir aueq grand flux de sang, neâtmoins le medicin chirurgien doibt proceder à la cure par methode, faisant diligence extreme, cōme auons fait plusieurs fois, notāmēt en la personne de l'hoste de saint Iulié à Arras, quy auoit esté blessé d'un cousteau, au col, & la veine iugulaire notablement blessée, tellement qu'il estoit deploré, à cause que par aydes communs ne fut possible de sifier le flux de sang, lequel fut deliuré de tel danger par l'application du medicament dessus nommé, en le tenant à tout le doigt subiect & moiennement comprimé par l'espace de quatre iours sans interposer quelque temps, & par ce moien en á esté seurement guerri, dont en rend souuent grace au createur, lequel par l'ayde de la chirurgie l'á deliuré du danger de la mort.

LE QVATORSIÈSME ET DERNIER erreur, est touchāt ceuls quy usent de fortilèges, enchantements, ou du conseil du diable familier.

IL REGNE EN PLUSIEURS lieux des erreurs execrables, touchāt ceulx

quy p paroles ou sortilège, ou par enchâtemēs
vœullent guerir toutes maladies, lesquels abu
sent souuēt le pœuple, à cause quy se vātent de
faire merueilles, & mainnēt à la mort plusieurs
quy sont bien garissables, & tous sont vrais
homicides, comme souuēt nous voions. Pour
ce teles gens doibuent estre expulsées hors des
pays, & fouis cōme une peste de la republique
christiene: & pareillement les empiriques. Aul
trement sy les gouuerneurs des villes les tolé
rent, & permettent abuser les pources patiens,
ilz en rendront compte deuant dieu. Aussi
ceulx quy sont commis par les euesques, nulle
ment ne les doibuent tolerer, mais doibuēt user
de cēsures rigoreuses à l'encōtre d'iceulx, à fin
qu'ils delaissent tels execrables fors ou enchan
temēs. Ce faisant garderōt l'hōneur de dieu, &
ferōt grāde utilité au patiēs, lesquels serōt garis
seurement, par ceulx quy sont bien instruiets

en la chirurgie. Et ainsy faisons fin de

ce present traicté, duquel soit

doné laouége & gloire à no

stre seruateur & redépteur

Iesuchrist eternelemēt

Amen.

FINIS.

OCTROY.

CE PRESENT LIVRE, INTITulé chirurgië militaire, a esté accordé, octroyé & permis, de grace especiale de L'empereur nostre sire, d'estre imprimé, vendu, & distribué en ses païs, de par de ça, par l'osse Lâbert imprimeur iuré, demorant en la ville de Gand Interdisant à tous aultres, de le contrefaire, vendre, ou distribuer sans le cōgé dudiect l'osse, durant l'espace de deux ans prochains venâts, sur peine arbitraire. A Bruxelles, le nœufiesme iour de lanuier. M. D. cinquante deux.

Et signé de Zæte.